

摘藻堂四庫全書薈要

集部

欽定四庫全書薈要

集部

御選歷代詩餘卷六十一

六十一

詳校官編修臣汪鏞

欽定四庫全書薈要

御選歷代詩餘卷六十目錄

九十五字

滿庭芳

上一體又

宋徽宗

晏幾道

蘇軾 六首

黃庭堅 四首

秦觀 四首



晁補之 五首

陳師道

李之儀 二首

毛滂 二首

舒亶 三首

趙令時

米芾

葛勝仲

周紫芝 三首

葛郊 四首

周邦彥 四首

晁端禮 四首

沈會宗 二首

陳瓘

向子諲 二首

蔡伸 三首

王庭珪

葉夢得 二首

趙長卿

劉子翬

曾覲

辛棄疾 三首

黃公度

葛立方 六首

程垓

吳儆  
二首

袁去華

張鎡

黃機

毛幵

汪莘  
二首

吳潛

方岳

御選歷代詩餘卷六十目錄



欽定四庫全書薈要卷二萬七百三十八

集部

御選歷代詩餘卷六十九

九十  
五字

滿庭芳上

又一體雙調九十五字一名滿庭霜一名鎖陽臺  
一名滿湘夜雨換頭二字間有用韻然無分體也

滿庭芳

宋徽宗

寰宇清夸元宵遊豫為開臨御端門暖風搖曳香氣靄  
輕氛十萬勾陳燦爛鈞臺外羅綺繽紛歡聲裏燭龍銜  
耀黼藻太平春靈鼇擎綵岫冰輪遠駕初上祥雲照

萬宇嬉遊一視同仁更起維垣大第通宵燕調變良臣  
從茲慶都俞賡載千載樂昌辰

前調

晏幾道

南苑吹花西樓題葉故園歡事重重凭闌秋思閒記舊  
相逢幾處歌雲夢雨可憐流水各西東別來久淺情未  
有錦字繫征鴻年光還少味開殘檻菊落盡溪桐謾  
留得尊前淡月西風此恨誰堪共說消愁時綠酒杯中  
佳期在歸時待把香袖看啼紅

前調

自黃移  
汝留別

蘇軾

歸去來兮吾歸何處萬里家在岷峨百年行樂來日幾  
曾多坐見黃州載閨兒童盡楚語吳歌山中友雞豚社  
飲相勸老東坡云何當遠去人生底事來往如梭待  
閒看秋風洛水清波好在堂前細柳應念我莫翦柔柯  
仍傳語江南父老時與曬漁蓑

前調

蒙思放歸  
陽羨作

蘇軾

歸去來兮清溪無底上有千仞嵯峨畫橋西畔天遠夕

陽多老去君恩未報空回首彈鋏悲歌船頭轉長風萬  
里歸馬駐平坡無何何處是銀潢盡處天女停梭問  
人間何事久戲風波顧問同來穉子應爛汝腰下長柯  
青衫破羣仙笑我千縷挂煙蓑

前調

佳人

蘇軾

香鬢雕盤寒生冰筋畫堂別是風光主人情重開宴出  
紅妝膩玉圓搓素頸藕絲嫩新織仙裳雙歌罷虛檐轉  
月餘韻尚悠颺人間何處有司空見慣應謂尋常坐

中有狂客惱亂愁腸  
報道金釵墜也十指  
露春筍纖長  
親曾見全勝宋丑  
想像賦高唐

前調

蘇軾

蝸角虛名蠅頭微利  
算來著甚乾忙事  
皆前定誰弱又  
誰強且趁閒身未老  
儘放我些子疎狂  
百年裏渾教是  
醉三萬六千場  
思量能幾許  
憂愁風雨一半相妨  
又何須抵死說短論  
長幸對清風皓月  
苔茵展雲幙高張  
江南好千鍾美酒  
一曲滿庭芳

前調

為王長官賦

蘇軾

三十三年今誰存者算只君與長江凜然蒼檜霜幹苦  
難雙聞道司州古縣雲溪上竹塢松牕江南岸不因送  
子寧肯過吾邦 縱縱疎雨過風林舞破煙蓋雲幢願  
持此邀君一飲空缸居士先生老矣真夢裏相對殘缸  
歌舞斷行人未起船鼓已逢逢

前調

與劉仲達遊南山感舊

蘇軾

三十三年漂流江海萬里煙浪雲帆故人驚怪憔悴老

青衫我自疎狂異趣君何事奔走塵凡流年盡窮途坐  
守船尾凍相銜 嶢嶢淮浦外層樓翠壁古寺空崑步  
攜手林間笑挽纖纖莫上孤峰盡處縈望眼雲水相攬  
家何在因君問我歸步遶松杉

前調 茶

黃庭堅

北苑龍團江南鷹爪萬里名動京闕碾輕羅細瓊蕊暝  
生煙一種風流氣味如甘露不染塵凡纖纖捧冰甃瑩  
玉金縷鷓鴣斑 相如方病酒銀瓶蟹眼波怒濤翻為

扶起尊前醉玉頰山飲罷風生兩腋醒魂到明月輪邊  
歸來晚文君未寢相對小牕前

前調

雪中戲  
呈友人

黃庭堅

風力驅寒雲容呈瑞曉來到處花飛徧裝瓊樹春意到  
南枝便是漁蓑舊畫綸竿重橫玉低垂今宵裏香閨邃  
館幽賞事偏宜 風流金馬客歌鬟醉擁烏帽斜敲問  
人間何處鵬運天池且共周郎按曲音微誤首已先迴  
同心事丹山路穩長伴綵鸞歸



前調

黃庭堅

初縮雲鬢才勝羅綺便嫌柳巷花街占春才子容易託  
行媒其奈風流債負煙花部不免差排劉郎恨桃花片  
片流水惹塵埃風流賢太守能籠翠羽宜醉金釵且  
留取垂楊掩映廳堦直待朱旛去後從伊便窄鞦韆  
知恩否朝雲暮雨還向夢中來

前調

黃庭堅

修水柔藍新條淡綠翠光交映虛亭錦鴛霜鷺荷徑拾

幽蘋香度闌干，  
屈曲紅妝映薄綺。  
疎櫺風清，夜橫塘月。  
滿水淨見移星，  
堪聽微雨過，  
嬾藻荇瑣碎，浮萍便。  
移轉交牀，湘簟方屏。  
練靄鱗雲旋滿，  
聲不斷，檐響風鈴。  
重開宴瑤池，  
雪沁山露，佛頭青。

前調

秦觀

山抹微雲，天黏衰草，  
畫角聲斷，譙門暫停。  
征棹聊共引，離尊多少。  
蓬萊舊事，空回首，  
煙靄紛紛，斜陽外，  
寒鴉數點，流水遶孤村。  
消魂當此際，  
香囊暗解，羅帶輕分。  
漫

贏得青樓薄倖名存此去何時見也襟袖上空染啼痕  
傷情處高城望斷燈火已黃昏

前調

秦觀

紅蓼花繁黃蘆葉亂夜深玉露初零霽天空闊雲淡楚  
江清獨棹孤篷小艇悠悠過煙渚沙汀金鈎細絲綸慢  
捲牽動一潭星 時時橫短笛清風皓月相與忘形任  
人笑生涯泛梗飄萍飲罷不妨醉臥塵勞事有耳誰聽  
江風靜日高未起枕上酒微醒

前調

秦觀

碧水驚秋黃雲凝暮敗葉零亂空塔洞房人靜斜月照  
徘徊又是重陽近也聽幾處砧杵聲催西牕下風搖翠  
竹疑是故人來傷懷增悵望新歡易失往事難猜問  
籬邊黃菊知為誰開謾道愁須殢酒酒未醒愁已先回  
憑闌久金波漸轉白露點蒼苔

前調

秦觀

晚色雲開春隨人意驟雨方過還晴高堂芳樹飛燕蹴

紅英舞困榆錢自落秋千外綠水橋平東風裏朱門映  
柳低按小秦箏多情行樂處珠鈿翠蓋玉轡紅纓漸  
酒空金盞花困蓬瀛豆蔻梢頭舊恨十年夢屈指堪驚  
凭闌久疎簾淡日寂寞下蕪城

前調

晁補之

鷗起蘋中魚驚荷底畫船天上來時翠灣紅渚宛似武  
陵迷更晚青山更好孤雲帶遠雨絲垂清歌裏金尊未  
掩誰使動分攜竹林高晉阮阿咸蕭散猶媿風期便

棄官終隱釣叟苔磯縱是冥鴻雲外應念我垂翼低飛  
新詞好他年認取天際片帆歸

前調

憶廬山

晁補之

欲買廬山山前三畝小橋橫過松間變名吳市誰認舊  
容顏最好棲賢峽外應自此都隔塵寰人稀到壺中化  
國光景更堪閒無心求至道柴門閉了飽睡甘餐幸  
兒成孫長為埽家山若問他年歸去蔦地也雙槩來還  
愁難舍清風萬壑高處正躋攀

前調

荅季良

晁補之

聞說秋來乘槎心嬾夢回三島波間便思黃帽同我老  
山顏上界仙人官府何似我蕭散塵寰雲無止流泉自  
急此意本來閒寂寥松桂圃陪君好語亦可忘餐況  
瓊枝玉蕊秀滿春山若問幽棲何意莫道是飛鳥知還  
無言處孫登半嶺高詠更難攀

前調

題自畫蓮社  
圖次東坡韻

晁補之

歸去來兮名山河處夢中廬阜嵯峨二林深處幽士往

來多看畫遠公蓮社教兒誦李白長歌如重到丹岩翠  
戶瓊草秀金坡 生綃雙幅上諸賢巾履文彩天梭社  
中客禪心古井無波我似淵明逃社怡顏晒百尺庭柯  
牛閒放奚童任嬾吾已廢鞭蓑

前調

晁補之

鄉物牽情家山回首浩然歸興難收報恩心事投老判  
悠悠却笑當年牛下空自許激烈寒謳成何事夸猶桂  
楫蘭芷詠芳洲 人生萍梗迹誰非樂土何處吾州算



不須臨歧惆悵，遲留要看香爐瀑布丹楓亂江色。凝秋  
真堪與瀟湘暮雨圖上畫扁舟。

前調茶

陳師道

閩嶺先春琅函聯壁，帝所分落人間綺牕。纖手一縷破  
雙團雲裏遊龍舞鳳香霧起飛月輪邊華堂靜松風竹  
雪金鼎沸潺湲。門闌車馬動扶黃藉白小袖高鬟漸  
胷裏輪囷肺腑生寒喚起謫仙醉倒翻湖海傾瀉濤瀾  
笙歌散風簾月幙禪榻鬢絲斑。

前調

八月十六夜

李之儀

一到江南三逢此夜舉頭羞見嬋娟黯然懷抱特地遣  
誰寬分外清光潑眼迷滉漾無計拘攔天如洗星河盡  
掩全勝異時看 佳人還憶否年時此際相見方難漫  
紅綾偷寄孤被添寒何事佳期再覩翻悵望重疊關山  
歸來呵休教獨自腸斷對團圓

前調

碾龍團為  
供者報之

李之儀

花陌千條珠簾十里夢中還是揚州月斜河漢曾記醉

歌樓誰賦紅綾小  
研因飛絮天與風流春常在  
仙源路隔空自泛漁舟  
新秋初雨過龍團細碾雪乳浮甌  
問殷勤何處特地相留  
應念長門賦罷消渴甚無物堪酬  
情無盡金扉玉榜何日許重遊

前調

毛滂

爍石炎曦迷雲急  
雨院落槐午陰清  
藕花開徧綠細一池萍槽下  
珍珠溜溜龍團破  
河朔餘醒闌干外  
梧桐葉底金井輓轡聲  
盈盈開霧帳  
珊瑚連枕雲母圍屏對

肌膚冰雪自有涼生翠袖風回畫扇拂香篆虬尾斜橫  
北牕晚娟娟靜色竹影上簾旌

前調

西園月  
夜賞花

毛滂

馬絡青絲障開紅錦小晴初斷香塵芳醪持燭別有箇  
佳人飛蓋西園午夜花梢冷雲月朧明應還惜留花伴  
月占定可憐春 佳人爭插帽已殘芳樹猶綴餘英任  
紅辭香散蜨恨蜂嗔醉也和春戴去深院落初馥鑪熏  
玉臺畔從教卸了留映晚妝新

前調

重陽後  
次元直

舒 亶

寒日穿簾澄江憑檻練光浮動餘霞蓼汀蘆渚黃葉襯  
孤花天外征帆隱隱殘雲共流水無涯登臨處瓊枝澱  
灑風帽醉欹斜 豐年時節好玉香田舍酒滿漁家算  
浮世勞生事事輸他便恁從今醅酌休更問白雪籠紗  
還須仗神仙妙手傳向畫圖誇

前調

後一日再  
次馮通直

舒 亶

紅葉飄零寒煙疎淡樓臺半在雲間望中風景圖畫也

應難又是重陽過了東籬下黃菊闌珊陶潛去風流載  
酒秋意與人閒霞冠敬倒處瑤臺唱罷如夢中還但  
醉裏贏得滿眼青山華髮看看滿也留不住當日朱顏  
平生事從頭話了獨自却凭闌

前調

送道宗

舒 亶

閭闔天門芙蓉春殿幾年目斷雞翹短蓬秋鬢端幸倚  
瓊瑤南圃花邊小院西湖畔雲底雙橋歸時節紅香露  
冷月影上芭蕉明朝那可望旗亭煙草柳渡寒潮但

萬戶千門恨客歌樵戲綵光浮袞繡聽鳴珂響逼雲霄  
應回首綺裘醉客還自獨吹簫

前調

趙令時

玉枕生涼金釭傳曉敗葉飛破清秋雨餘翻浪渺渺阻  
行舟暫繫汀洲側畔風夜起荻葉添愁銀屏遠龍香漸  
盡還似夢揚州更籌何太永當年情事今日堪酬最  
苦恨紅樓笑我飄浮為寄相思細字教字字愁蹙看頭  
淒涼久漁人唱曉隨月過橫溝

前調

甘露寺  
試賜茶

米芾

雅燕飛觴清談揮麈使君高會羣賢密雲雙鳳初破縷  
金團牕外鑪煙自動開餅試二品香泉輕濤起香生玉  
塵雪濺紫甌圓 嬌鬟宜美盼雙擎翠袖穩步紅蓮座  
中客翻愁酒醒歌闌點上紗籠畫燭花驄弄月影當軒  
頻相顧餘歡未盡欲去且留連

前調

懷任  
昉

葛勝仲

百不為多一不為少阿誰昔仕吾邦共推任筆鴻鼎力



能扛不為桃花祿米讐書倦一葦橫江招尋處徒行曳  
杖曾不擁麾幢 山川真大好魚磯無恙密嶺難雙聽  
訟訴多就樵塢僧牕歲月音容遠矣風流在遐想心降  
雲煙路搜奇弔古時為酌空缸

前調

周紫芝

樓上寒深江邊雪滿楚臺煙靄空濛一天飛絮零亂點  
孤篷似我華顛雪鬢渾無定漂泊孤蹤空淒黯江天又  
晚風袖倚蒙茸 吾廬猶記得波橫素練玉做寒峰更

短坡煙竹聲碎瓊瓏擬問山陰舊路家何在水遠山重  
漁蓑冷扁舟夢斷燈暗小牕中

前調

周紫芝

曉色凝暎霜痕猶淺九天春意將回隔年花信先已到  
江梅沉水煙濃如霧金波滿紅袖雙垂仙翁醉問春何  
在春在玉東西 瑤臺人不老還從東壁來步天墀且  
細看八瓠花影遲遲會見朱顏綠鬢家長近咫尺天威  
君知否天教雨露常滿歲寒枝

前調

九日

周紫芝

江遶淮城雲昏楚觀一枝煙笛誰橫曉風吹帽霜日照  
人明暗惱潘郎舊恨應追念菊老殘英秋空晚茱萸細  
撚醞醪為誰傾 人間真夢境新愁未了綠鬢星星問  
明年此會誰寄幽情倚盡一樓殘照何妨更月到簾旌  
憑闌久歌君妙曲誰是米嘉榮

前調

宴黃仲秉

葛 郊

紅葉飛時青山缺處鴈飛秋影斜陽鳳凰旌節何事到

吾鄉要見大江東去寒光靜水與天長人爭看恩袍煥  
錦新惹御鑪香 滿城誇盛事兩邦鼓吹幾部笙簧看  
萬紅千翠簇擁雲裳況是重陽近也萸露紫菊吐輕黃  
休辭醉明朝一枕歌韻尚悠揚

前調

迷懷  
三首

葛 郊

歸去來兮苕波深處上有蒼翠千峰月橋煙墅家在五  
湖東試覓桃花流水雞犬靜人迹纔通沙汀晚一天雲  
錦飛下水晶宮 兩年官事少江梅霧暗多稼雲豐把

毗壇清夢盡入詩筒只欠蘆花夜宿金溪上一葦秋風  
蓑衣在不辭重整來作釣魚翁

前調

葛 郊

歸去來兮家林不遠夢魂飛繞煙峰洞房花木只在小  
池東誰道雲深無路小橋外一徑相通功名小從教羣  
蟻鏖戰大槐宮 故人書夜到秫田百畝已兆年豐把  
烏程爛醉不數卮筒醉後村歌社舞團團坐一笑春風  
洪崖伴定驅鸞鶴時一訪仙翁

前調

葛郊

歸去來兮心空無物亂山不鬪看峰夜禪久坐牕曉日  
生東已絕乘槎妄想滄溪迴不與河通維摩室從教花  
雨飛舞下天宮 何人開宴豆楚羹尊嫩吳鱠盤豐看  
一聲欸乃落日收筒應笑紅塵陌上津亭暮十里斜風  
從今去青鞵黃帽分付紫髯翁

前調

溧水無  
想山作

周邦彥

風老鶯雛雨肥梅子午陰佳樹清圓地卑山近衣潤費

鑪煙人靜烏鳶自樂小橋外新綠濺濺凭闌久黃蘆苦  
竹疑泛九江船年年如社燕飄流瀚海來寄修椽且  
莫思身外長近尊前顛顚江南倦客不堪聽急管繁絃  
歌筵畔先安簟枕容我醉時眠

前調

懷錢塘

周邦彥

山崦籠春江城吹雨暮天煙淡雲昏酒旗漁市冷落杏  
花村蘇小當年秀骨縈蔓草空想羅裙潮聲起高樓噴  
笛五兩了無聞淒涼懷故國朝鐘暮鼓十載紅塵但

夢魂迢遞長到吳門聞道花開陌上歌舊曲愁煞王孫  
何時見名娃喚酒同倒甕頭春

前調

周邦彥

花撲鞭梢風吹衫袖馬蹄初趁輕裝都城漸遠芳樹隱  
斜陽未慣羈遊況味征鞍上滿目淒涼今宵裏三更皓  
月愁斷九迴腸 佳人何處去別時無計同引離觴但  
惟有相思兩處難忘去即十分去也如何向千種思量  
凝眸處黃昏畫角天遠路岐長



前調

周邦彥

白玉樓高廣寒宮閣暮雲如障  
塞開銀河一派流出碧  
天來無數星躔玉宇冰輪動  
光滿樓臺登臨處全勝瀛  
海弱水浸蓬萊  
雲鬢香霧濕月娥韻壓雲凍  
江梅況  
餐花飲露莫惜徘徊坐看人  
間如掌山河影倒入瓊杯  
歸來晚笛聲吹徹九萬里塵埃

前調

晁端禮

綠繞羣峰紅搖千柄  
夜來暑雨初收  
共君乘興輕舫信

悠悠且盡一尊別酒荷香裏滿酌輕謳明朝去征颿夜  
落何處好汀洲 風流吾小阮朝辭東觀夕向南州況  
聖時爭教賈傅淹留若過潯陽亭上琵琶淚莫灑清秋  
堤邊柳從今愛惜留待繫歸舟

前調

晁端禮

天與疎慵人憐憔悴分甘拋棄簪纓有時乘興波上葉  
舟輕十里橫塘過雨荷香細蘋末風清真如畫殘霞淡  
日偏向柳梢明 凝情塵網外鱸魚旋鱠芳酒深傾又

算來何須身外浮名無限滄浪好景衰笠下且遣餘生  
長歌去機心盡矣鷗鷺莫相驚

前調

晁端禮

雪滿貂裘風搖金轡笑看錦帶吳鉤照人青鬢年少定  
封侯此去馬蹄何處山萬疊濟水南州君知否劉郎未  
老曾是恣狂遊 風流佳麗地十年屈指一夢迴頭最  
難忘西湖北渚澄秋玉砌雕闌好在桃共李曾憶人不  
衰翁也多情為我將恨寄紅樓

前調

晁端禮

北渚澄瀾南山凝翠望中渾似仙鄉萬家煙靄朱戶鎖  
垂楊好似飛泉漱玉迴環徧小曲深坊西風裏芙蓉帶  
雨飄散滿城香微涼湖上好橋橫倒影月練飛光命  
玳簪促席雲鬢分行誰似風流太守端解道春草池塘  
須留戀神京縱好此地也難忘

前調

沈會宗

柳與堤迴橋隨湖轉望中如在蓬萊水禽高下煙霧斂

還開認是仙翁住處都不見一點塵埃壺天晚清寒帶  
雪光景自徘徊高才廊廟手當年平步直到堯堦況  
今朝調鼎尤待鹽梅只恐身閒不久難留戀花月樓臺  
看新歲春風且送五馬過江來

前調

沈會宗

雪底尋梅冰痕觀水晚來天氣尤寒漸聞歌笑輕暖發  
春妍賞盡十洲新景依稀見三島風煙判深夜一年月  
色只是這番圓熙然千里地何妨載酒頻上湖船況

坐中高客不日朝天須勝人間好處沒箇事贏得尊前  
東風近侵尋桃李別做醉黃緣

前調

陳 瓘

淮葉繽紛江煙濃淡別尊同倒寒暉未逢春信霜露惹  
征衣往事元無是處何須待回首知非春鶻語從來勸  
我長道不如歸 家山何處近江樓簾棟夕捲朝飛問  
西江筍蕨何似鱸肥且置華胥舊夢忘言處千古同時  
君知我平生心事相契古來稀

前調

桂二首

向子諲

月窟蟠根靈岩分種絕知不是塵凡  
瑠璃翦葉金粟綴花繁黃菊周旋避  
舍友蘭蕙羞殺山礬清香遠秋風十  
里鼻觀已先參酒闌聽我語平生半  
是江北江南經行處無窮綠水青山  
常被此花相惱思共老結屋中間不  
因著薜林底事遊戲到人寰

前調

向子諲

瑟瑟金風團團玉露岩花秀發秋光  
水邊一笑十里得

清香疑是蕊宮仙子新妝就  
嬌額塗黃霜天晚妖紅麗  
紫回首總堪傷 中央孕正色  
更留明月偏照何妨便  
高如蘭菊也讓芬芳輸與薜  
林居士微吟罷閒據胡牀  
須知道天教尤物相伴老江鄉

前調

蔡伸

煙鎖長堤雲橫孤嶼斷  
橋流水溶溶凭闌凝望遠目送  
征鴻桃葉溪邊舊事如春夢  
回首無蹤難忘處紫薇花  
下清夜一尊同 東城攜手地  
尋芳選勝賞徧珍叢念



紫簫聲闋燕子樓空好是盧郎未老佳期在端有相逢  
重重恨聊憑紅葉和淚寄西風

前調

蔡伸

風捲龍沙雲垂平野晚來密雪交飛坐看闌檻瓊蕊徧  
寒枝妝點蘭房景致金鋪掩簾幙低垂紅爐畔淺斟低  
唱天色正相宜更闌人半醉香肌玉暖寶髻雲散又  
何須高會梁苑瑤池堪笑子猷訪戴清興盡忍凍空回  
仍休羨漁人江上披得一蓑歸

前調

蔡伸

鸚鵡洲邊芙蓉城下迴然水秀山明小舟雙槳特地訪  
雲英驚破蘭衾好夢開朱戶一笑相迎良宵永南牕皓  
月依舊照娉婷別來無限恨持杯欲語恍若魂驚愴  
霎時相見又慘離情還是匆匆去也重攜手密語叮嚀  
佳期在寶釵鸞鏡端不負平生

前調

上元黃子  
餘席上

王庭珪

宿雨初收晚風微度萬家簾捲青煙暗塵隨馬人物似

神仙試問天公借，月天須放明月教。圓應移下廣寒宮，  
殿燈火接星躔。盧川元古郡，當時太守賓。從俱賢到  
如今，萬井歌吹喧。闌花下紅妝賣酒時，相遇曲水橋邊。  
誰知道山城父老，重見中興年。

前調

雨後極目  
亭寄友

葉夢得

麥隴如雲清風吹，破夜來疎雨纔晴。滿川煙草殘照落，  
微明縹緲危闌曲。檻遙天盡日脚，初平青林外參差暝。  
靄縈帶遠山橫。孤城春雨過，綠陰是處時有鶯聲問。

落絮遊絲畢竟何成信步蒼苔遶徧真堪付閒客閒行  
微吟罷重回皓首江海渺遙情

前調

葉夢得

一曲離歌煙林人去馬頭微雪新晴隔年光景回首近  
清明斷送殘花又老春波靜湖水初平誰重到雕闌盡  
日遙想畫橋橫 高城凝望久何人為我重唱餘聲問  
桃李更有幾處陰成老去從遊似夢尊前事空有經行  
猶能記殷勤寄語多謝故人情

前調七夕

趙長卿

雨洗長空風清雲路又還準備佳期夜涼如水一似去  
秋時渺渺銀河浪靜星橋外香靄馥馥霞輶舉鸞驂鵲  
馭穩穩過飛梯 經年成間阻相逢無語應喜應悲怕  
玉繩低處依舊睽離和我愁腸萬縷嫦娥怨底事來遲  
廣寒殿春風桂魄首與慰相思

前調

和胡明仲  
桂花詞

劉子翬

秋入微陰涼生平遠小山愁絕天南似聞還斷飛策徧

千岩葉底輕黃纂纂惱人是微裂芳緘翛然勝清真冷  
淡無豔寄塵凡 澗潭敲兩岸波光搖動碧影相參任  
西風十里吹度松杉我自寒灰槁木凝神處不覺醺酣  
歸來晚飛花無迹明月滿空函

前調

賞牡丹

曹 覲

冶態輕盈香風搖蕩畫闌淑景初長彩霞深處明豔奪  
昭陽試問沈香舊事應勸我莫負韶光多情是低回顧  
影雲幙淡微涼 人間春更好一枝斜插猶記踈狂到

如今潘鬢暗點吳霜樂事直須年少何妨擿一醉千觴  
醺醺醉壺天向晚春思正悠揚

前調

和洪相景伯  
呈景盧內翰

辛棄疾

急管哀絃長歌慢舞連娟十樣宮眷不堪紅紫風雨曉  
稀稀惟有楊花飛絮依舊是萍滿芳池醪醑在青虬快  
翦插徧古銅彝誰將春色去鸞膠難覓絃斷蛛絲恨  
牡丹多病也費醫治夢裏尋春不見空腸斷怎得春知  
休惆悵一觴一詠須刻右軍碑

前調

游豫章東湖再用韻

辛棄疾

柳外尋春花邊得句怪公喜氣軒眉陽春白雪清唱古  
今稀曾是金鑾舊客記鳳凰獨遠天池揮毫罷天顏有  
喜催賜尚方彝只今江山遠釣天夢覺清淚如絲算  
除非痛把酒療花治明日五湖佳興扁舟去一笑誰知  
溪堂好且擽一醉倚杖讀韓碑

前調

辛棄疾

西崦斜陽東江流水物華不為人留瑄然一葉天下已



知秋屈指人間得意問誰是騎鶴揚州君  
知我從來雅興未老已滄洲  
無窮身外事百年能幾一醉都休恨  
兒曹抵死謂我心憂況有溪山杖履阮籍輩  
須我來遊還堪笑機心早覺海上有驚鷗

前調

黃公度

一徑又分三亭鼎峙小園別是清幽曲闌低檻  
春色四時留怪石參差臥虎長松瘦偃蹇  
擎虬攜筇晚風來萬里冷撼一天秋  
優游銷永晝琴尊左右賓主風流且

偷閒不妨身在南州故國歸帆隱隱念西崑往事悠悠  
都休問金釵十二滿酌聽輕謳

前調

和催  
梅

葛立方

未許蜂知難教雀啅芳叢猶是寒叢東風解凍春仗做  
春工何事仙葩未放寒苞祕冰麝香濃應須是驚聞羯  
鼓誰敢噴髯龍 梅花君自看丁香已白桃臉將紅結  
歲寒三友久遲筠松要看含章檐下閒妝靚春睡朦朧  
知音是凍雲影底鐵面葛仙翁

前調 探梅

葛立方

狂吹鳴籬祥雲翦水分明欺壓寒梅冰威初斂曦影上  
池臺應有一番和氣南枝上恐有春來須勤探呼吾筇  
杖屐齒上蒼苔 春風渾未到裝回香逕巡遶千迴見  
瓊英一點小占條枚且看先鋒鬪豔看看便繁蕾齊開  
香浮動微薰詩夢須更著詩催

前調 賞梅

葛立方

臘雪方凝春曦俄漏畫堂小秩芳筵玉壺仙蕊簾外幕

瑤煙莫話青山萬樹聊湏對一段孤妍杯行處香叅鼻  
觀百濯未為賢 吾廬何處好繡香竹畔偶桂溪邊且  
為渠珍重滿泛金船已擗春醒一枕如今且醉倒花前  
花飛後歡呼一笑又是說明年

前調 簪梅

葛立方

弄月黃昏封霜清曉數枝影墮溪濱化工仙手幻出一  
番新片片雕酥碾玉寒苞似已洩香塵聊相對畸人投  
分尊酒認荀陳 吾年今老矣佳人薄相笑插林中媿

蒼顏白髮回投烏雲玉鏡臺邊試看相宜是淺笑輕顰  
君知否壽陽額上不似髮邊春

前調

評梅

葛立方

一陣清香不知來處元來梅已舒英出籬含笑芳意為  
人傾細看高標孤韻誰家有別得花人應須是魏徵嫵  
媚夷甫太鮮明 北枝方半吐水邊疎影綽約娉婷問  
橫空皎月匝地寒靈何似此花清絕憑君為仔細推評  
幽竒處素娥青女著意為橫陳

前調

葛立方

扉映琉璃牕搖雲母水堂新  
翫雲灣際天波面玉鏡寶  
匳寬闌外青山幾疊瑤煙斂  
影落千鬟寒汀晚蘆花飛  
雪風定白鷗閒 塵寰何處有  
方壺圓嶠弱水波翻問  
何如藜杖此地躋攀種竹今  
逾萬箇風枝靜日報平安  
他年事蒼雲此處千畝看  
栖鸞

前調

臨安晚  
秋登臨

程垓

南月驚烏西風破鴈又是秋  
滿平湖採蓮人盡寒色戰

菰蒲舊信江南好景一萬里輕覓尊鱸誰知道吳儂未  
識蜀客已情孤 憑高增悵望湘雲盡處都是平蕪問  
故鄉何日重見吾廬縱有荷紉芰製終不似菊短籬疎  
歸情遠三更雨夢依舊遶庭梧

前調

寄葉蔚  
宗二首

吳儂

宿雨滋蘭輕風颭柳新來隨處和融幽闌曲逕花氣巧  
相通燕子纔來又語帶芹泥時點芳叢微中酒日長睡  
起心事在睂峰 年年春好處聯鑣蕩槳拾翠按紅任

金貂醉脫不放杯空誰信風流一別當時事已逐飛鴻  
雲山晚闌干罷倚煙寺起疎鐘

前調

吳儆

水滿池塘鶯啼楊柳燕忙知為泥融桃花流水竹外小  
橋通又是一春憔悴摘殘英遶徧芳叢長安遠平蕪盡  
處墨墨但雲峰 西湖行樂處牙檣漾鷁錦帳翻紅想  
年時桃李應已成空欲寫相思寄與雲天闊難覓征鴻  
空凝想時時殘夢依約上陽鐘



前調

袁去華

麥隴黃輕桑疇綠暗野橋新碧泱泱怕春歸去鶯語燕  
飛忙風定閒花自落穿幽徑拾蕊尋香曾來處孤雲翠  
壁依舊挂斜陽 客愁知幾許唯思徑醉誰與持觴料  
文君衣帶為我偷長苦憶新晴晝永閒相伴刺繡明牕  
何時得西風夜永枕簟共新涼

前調

促織

張 鎡

月洗高梧露溥幽草寶釵樓外秋深土花沿翠螢火墜

牆陰靜聽寒聲斷續微韻轉淒咽悲沈爭求侶殷勤勸  
織促破曉機心 兒時曾記得呼燈灌穴斂步隨音任  
滿身花影猶自追尋攜向畫堂試鬪亭臺小籠巧裝金  
今休說從渠牀下涼夜聽孤吟

前調

欲之官  
永興

黃機

二十年間舊遊蹤跡夢飛岳麓湘灣征衫再理秋老菊  
花天為客問君何好愛水光山色爭妍經行處旗亭沽  
酒曾記屋東偏 噫其吾甚矣不慚蹇拙欲鬪嬋娟辨

輕輿短艇強載衰顏人道柳陽無鴈奈情鍾藕斷絲聯  
須相憶新詩賦就時復寄吳牋

前調

改倅東  
陽留別

毛 升

世事難窮人生無定偶然蓬轉萍浮為誰教我徙宦到  
東州還似翩翩海燕乘春至歸及涼秋回頭笑渾家數  
口又泛五湖舟悠悠當此去黃童白叟莫謾相留但  
谿山好處深負重遊珍重諸公送我臨歧淚欲語先流  
應須記從今風月相憶在南樓

前調

雨中賦  
牡丹

汪莘

雲遶花屏天橫練帶畫堂三月初三斜風細雨羅幕護  
輕寒無數天香國色枝枝帶洛浦嵩山燒紅燭吞星浴  
日光射九霞冠 仙宮深幾許黃鶯問道紫燕窺簾似  
太真姊妹半醒微酣酒信生來富貴何曾在草舍茅庵  
皇州近扁舟載去春色冠江南

前調

壽金  
黃州

汪莘

雲夢南來岷嶓東會樓前天水蒼茫黃州太守萬里作

金湯淮上煙塵初斂仍安集耕隴漁鄉湏知道綸巾羽  
扇不獨數周郎 生朝遙想處雪消赤壁春動黃岡有  
新翻楊柳細抹絲簧竹外一枝更好各回首清淺池塘  
看看也天邊鳳詔歸侍赭袍光

前調

吳潛

漠漠春陰疎疎春雨鶉鳩喚起春眠小園人靜獨自倚  
秋千又見飄紅墮雪芳徑裏都是花鈿年年事閒愁閒  
悶挂在綠楊邊 尋思都徧了功名竹帛富貴貂蟬但

身為利鎖心被名牽爭似依山傍水數椽外二頃良田  
無縈絆炊粳釀秫長是好花天

前調 擘蟹

方岳

半殼含黃雙螯擘紫風流渾是蘆花江頭秋老誰了酒  
生涯玉質金相如許怎消受明月寒沙橙香也不閒左  
手除是付詩家 草泥行郭索橫戈曾怒張翰浮誇笑  
鱸魚雖好風味爭此醉嚼霜前鬆雪江湖夢不枉歸槎  
停杯問余其負腹是腹負余耶



御選歷代詩餘卷六十



欽定四庫全書薈要

御選歷代詩餘卷六十一目錄

起九十五字  
至九十六字

滿庭芳

下

沈端節

方千里

楊澤民

黃昇

陳允平

張炎

石孝友

三首

劉褒

何夢桂

李清照

僧兒

吳激

段克己

劉詵 二首

張埜

楊樵雲

蒲道源

劉基 二首

瞿祐

吳子孝 四首

王慎中

商輅

周用 二首

董其昌

陳繼儒

吳宗達

周世臣

陳子龍

沈麋 二首

韓智珮

錢氏

沈宜修

陳妾

前調 又一體

無名氏

燭影搖紅 又一體

周邦彥

廖世美

趙長卿

張掄

吳億

張鉉

趙善扛

高觀國

方岳

吳文英 六首

張炎 二首

孫惟信

無名氏

孫氏

湘江妓

袁易

天香 又一體

賀鑄

吳文英 二首

周密

王沂孫

李彭老

王易簡

馮應瑞

唐藝孫



呂同老

無名氏

前調又一體

景覃二首

御選歷代詩餘卷六十一目錄

欽定四庫全書薈要卷二萬七百三十九

集部

御選歷代詩餘卷六十一

起九十五字  
至九十六字

滿庭芳

下

滿庭芳

沈端節

霧薄陰輕林深煙煖海棠特地開遲風光絕豔獨自殿  
芳時須信東君注意花神會別有看持羣英外嫣然一  
笑富貴出天姿日長春睡足粉香撲撲酒暈微微明  
皇當日稱許最相宜妃子扶來半醉宮妝澹不掃蛾眉

偏憐處流鶯驚繞金彈拂叢飛

前調

次周美成韻

方千里

山色澄秋水光融日浮萍飄碎還圓數行征鴈分破白  
鷗煙高下回塘暗谷寫幽思終日濺濺閒凝望殘霞暝  
靄何處一漁船江南思舊隱筠軒野逕茅舍疎椽慣  
攜壺花下敲帽風前想像淵明舊節琴中趣何必疎絃  
歸歟計不將五斗輸與北牕眠

前調

次周美成韻

楊澤民

春過園林雨餘池沼嫩荷點點青圓晝長人靜芳樹欲  
生煙一徑幽通邃竹松風漱石齒濺濺平生志功名未  
就先覓五湖船不如歸去好良田二頃茅舍三椽任  
高歌月下痛飲花前果解忘情寄意又何在頻撫無絃  
煙波友扁舟過我相伴白鷗眠

前調

黃昇

草木生春樓臺不夜團團月上雲霄太平官府民物共  
逍遙指點江梅一笑幾番負雨嫩風嬌今年好花邊把

酒歌舞醉元宵 風流賢太守青雲志氣玉樹丰標是  
神仙班裏舊日王喬出奉板輿行樂金蓮照十里笙簫  
收燈後看看丹詔催入聖明朝

前調

次周美成韻

陳允平

槐影連雲竹光團露小荷新綠浮圓簟紋如浪綃帳碧  
籠煙迴合溪橋一曲初雨過流水濺濺闌干外沙鷗野  
鳥飛過釣魚船 浮生同幻境眼空四海蹟寄三椽但  
隨天休問我後誰前要識淵明琴趣真真意都在無絃

薰風裏綸巾羽扇一枕北牕眠

前調小春

張炎

晴皎霜花曉鎔冰羽開簾覺道寒輕臥聞啼鳥生意又  
園林閒了淒涼賦筆便而今不聽秋聲消凝處一枝借  
煖終是未多情陽和能幾許尋紅探粉也恁忺人笑  
鄰娃癡小料理花鈴却怕驚回睡蝶恐和他草夢都醒  
還知否能消幾日風雪灞橋深

前調

次范倅憶  
洛陽梅

石孝友

蘭畹霜濃柳溪冰咽春光先到江梅瘦枝疎萼特地破  
寒開勾引天涯舊恨雙眉鎖九曲腸回空銷黯故園何  
在風月浸長淮 當年吟賞處醉仙顏倒飛屑成堆怎  
奈向而今雨誤雲乖萬里難憑驛使那堪對別館離杯  
誰知道洛陽詩老還有夢魂來

前調

石孝友

瘦頰凝酥殘妝弄酒相逢一笑東風並肩攜手差落可  
憐紅疑是回心院裏埋醉首吐作芳叢無端處雄蜂雌



蝶相美兩情通 一從攀折後漢皋珮失銅雀春空想  
桃葉桃根此恨能同多謝金鑿舊客收拾在芸閣籤中  
還知否竊香傳粉輸與蠹書蟲

前調 寄別

石孝友

修竹接藍梅山聳翠小小佳處西安從來聞說今日遠  
來看便好求田問舍耳溪澗目飽林巒爭知道塵緣未  
了無計與盤桓 小蠻應念處絃孤么鳳鏡掩離鸞愁  
再見多情素日閒閒早晚扁舟兩槳驚翠枕雲巘風湍

從前去殷勤細數細數萬重灘

前調

劉 褒

柳裊金絲梨鋪香雪一年春事方中燭前乍見花豔覺  
羞紅枕臂香痕未落舟橫岼作計匆匆明朝去暮天平  
水雙槳碧雲東 隔籬歌一闋琵琶聲斷燕子樓空歎  
陽臺夢杳行雨無蹤後會芙蓉未老從今去日望歸鴻  
愁如織斷腸啼鴉多事訴春風

前調

何夢桂

燕子芹乾龍孫籜老綠陰深鎖林塘午風庭院人試薄  
羅裳數盡落紅飛絮摘青梅煮酒初嘗重門靜一簾疎  
雨消盡水沉香 把當年團扇恩情猶在未是相忘笑  
山翁鬢髮早已蒼蒼說與乘鸞綵女看世間多少炎涼  
更休怨百年一夢且共醉霞觴

前調 殘梅

宋媛 李清照

小閣藏春閒牕鎖畫畫堂無限深幽篆香燒盡日影下  
簾鈎手種江梅漸好又何必臨水登樓無人到寂寥恰

似何遜在揚州 從來知韻勝難禁雨藉不耐風揉更  
誰家橫笛吹動濃愁莫恨香消玉減須信道埽跡情留  
難言處良宵澹月疎影尚風流

前調

宋妓僧兒

團菊包金叢蘭減翠畫成秋暮風煙使君歸去千里倍  
潜然兩度朱旛鴈水全勝得陶侃當年如何見一時盛  
事都在送行篇 愁煩梳洗嬾尋思陪宴花月湖邊有  
多少風流往事縈牽聞道霓旌羽駕看看是玉局神仙

應相許衝雲披霧一到洞中天

前調

吳激

誰挽銀河青冥都洗故教獨步蒼蟾露華仙掌清淚向  
人霑畫棟秋風嫋嫋飄桂子時入疎簾冰壺裏雲衣霧  
鬢掬水弄春纖 厭厭成勝賞銀槃撥汞寶鑑披匳待  
不放楸梧影轉西簷坐上淋漓醉墨人人看老子掀髯  
明年會清光未減白髮也休添

前調

山居  
偶成

段克己

歸去來兮吾家何在結茅水際林邊自無人到門設不  
須關蠻觸攻爭蝸角榮枯事不到尊前應堪歎清溪流  
水東去幾時還此身何處著縱教容與魚鴈之間算  
躬耕隴畝在我無難便把鋤頭為枕眠芳草醉夢長安  
煙波客新來有約要買釣魚竿

前調

新萍  
二首

劉詵

碧唾成花翠璣浮霧水邊裙影知誰半溝未合脂水過  
生肥小扇迎風試拂翩翩去還復差池憑闌處怕伊貪

見見了却忘歸 橋西青不住乳鴛行破一瞬淪漪看  
疎如有恨密似相依元是情根種得更千古欲盡何時  
重相約章臺春膩還上最高枝

前調

劉詵

宮鳥西飛楊花北去春風飄向伊誰盈盈小小輕薄不  
堪肥天付風流到骨消不盡流落清池誰知道踏歌朝  
暮癡絕待渠歸 惜惜春似酒日痕生紺裙色明漪笑  
東家西沼到處依依同是東風種得獨無據飄泊年時

青梅落水光  
簾影小翠立橫枝

前調

夏日飲王氏園亭

張 埜

珠箔含風瑣  
牕凝霧柳溪別是仙鄉  
一枝絕豔媚媚動  
波光消盡人間煩暑  
冰紈膩玉骨生涼腸  
應斷清商一曲餘韻惹蕖香  
幽情還解否  
冰蓮心合碧藕絲長  
要滿斟芳醕親舉荷香  
耳畔向人微道便為儂  
一醉何妨歸來晚  
新愁幾許山雨夜浪浪

前調  
影

楊 樵雲



只道空煙又疑流水依依却似行雲了然相對又似夢  
紛紜半面春風圖畫黃金在難鑄昭君溪橋斷梅花晴  
雪端的白三分真真難喚醒三年抽藕織得榴裙甚  
徘徊窺鏡交翼鸞文一片飛花來去并刀快翦取晴紋  
無情處分明著眼強半滿春醺

前調

蒲道源

長憶當年讀書牕下歲寒留看孤芳巡簷索笑重到更  
徬徨梅隱先生何在清江外新構茅堂人應道攀枝顛

蕊那得救饑腸  
多情餘習氣  
芒屨竹杖未忍相忘但  
年年依舊踈影幽香好  
是春風近也猶記得吟遶昏黃  
開尊飲參橫斗轉同醉臥花傍

前調

壽石末公

劉基

嶽氣鍾嵩星精降昴  
五雲光映麟書綠  
明紅媿風暖日  
長初金翻斜開洞府  
羣仙擁翠佩瓊裾  
收拾盡乾坤清  
淑為瑞在扶輿  
文韜兼武略  
南陽諸葛東海穰苴有  
貌虎龍蛇深護儲胥  
制勝不妨談笑鶯聲裏  
旗影徐徐

行看取非熊應兆沙路輾高車

前調 清明

劉基

積雨沉春昏煙酣晝不知還又清明榆錢柳絮相逐鬪  
輕盈芳徑莓苔漸滿青蘋與白芷俱生疎籬畔海棠間  
竹有箇鶻鳩鳴 寬心應是酒酒衝愁陣強似竒兵愛  
星星白髮知我平生底用登樓看鏡誤身世只是虛名  
空凝佇落花如雪雲霧鎖高城

前調

西湖  
秋泛

瞿祐

露葦催黃煙蒲駐綠水光山色相連紅衣落盡辜負採  
蓮船點檢六橋楊柳但幾箇抱葉殘蟬秋容晚雲寒鴈  
背風冷鷺鷥肩 華筵容易散愁添酒量病減詩顛况  
情懷冷澹漸入中年埽退舞裙歌扇盡付與一枕高眠  
清閒好脫巾露髮仰面看青天

前調

望月  
東樓

吳子孝

午酒纔醒寒蟾乍皎有情偏照高樓霜飛瓊砌倚檻縱  
吟眸碧宇瑩然玉映金波溢千里雲收神瀟灑桂孤兔

冷相對舊貂裘 清虛新境界冰壺銀海身在瀛洲夜  
漸深忽聞鶴唳林邱空自凝情遠憶江湖上誰抱閒愁  
試翹首鬱藍宮闕拂袖馭風遊

前調

吳子孝

綠沼波平朱闌雨歇清冰繞座無炎晝長人靜香鴨燼  
頻添金盃藕絲初雪人如玉素手纖纖怕花前流鶯窺  
見垂下水晶簾 碧梧陰乍轉黃庭寫罷犀管休拈荷  
珠散薰風漸入危檐堪愛滿堂涼甚無一事睡思方甜

鮫綃薄琉璃簟冷驚起看新蟾

前調

春日遊支硎  
天池諸山

吳子孝

宿雨平沙輕風野渡堪憐綠滿汀洲支硎山畔碧柳映  
朱樓水上花枝如錦飛紅碎散逐輕鷗晴雲暖鼓笳絃  
管來往漾蘭舟 一年春最好家家園圍處處歌謳向  
曲巖深谷鳥語清柔輿外青山窈窕天池淨林石偏幽  
旁人笑謫仙老矣猶似舊風流

前調

吳子孝

松暗隆池花飛謝巘南峰十里逶迤溪流曲曲清瑩映  
鬚着陡暖單衣初試斜陽外細雨離離深林過又躋高  
嶺雲墮竹橋危 遨遊終日醉一春好景山寺江渚喜  
青梅滿塢紫笋盈籬撲面楊花不斷剛復見燕子差池  
請君看麟袍纏玉何似老無羈

前調

小院芙蓉

王慎中

啼鳩新聲羣芳乍歇有誰獨殿秋容娟娟靚好一種木  
芙蓉色濯瑤華發秀金風勁真態偏濃柴門閉蕭閒寂

冥幽意對芳叢  
紛紛池館地遮蹊  
倚徑笑日披風醉  
心與睡眠觸汗仙  
丰幸是幽人傳得  
托根喜在此庭中  
多情處酬將麗藻  
不在倒金鍾

前調

花朝

商  
輅

鶴徑寒煙燕巢華露小  
牕夜雨新晴竹欄苔  
砌寂寂點芳春  
屈指春光已半  
徒翹首千里關城  
雲橫處蠻笳戍  
角隱隱雜啼鶯  
放衙人乍散  
琴拋案牘酒載郊垆  
身世風前絮更欲  
何憑十載邯鄲古道  
枕中事暗裏魂驚



車茵軟儘容酩酊杜宇任多情

前調

周用

嘉樹含風疎簾映雨端陽景物依然故園何處雲白五  
湖邊記得舊年今日三江上萬玉亭前人晏起翠蒲綠  
醕旗鼓競龍船今年逢此日孤蓬四海翹首鈞天正  
西郊卜雨東魯移泉為問九農德業從吳楚直抵齊燕  
煩太史一篇周頌再紀屢豐年

前調

壽言  
之弟

周用

日麗瑤京風和錦里平安兩字頻傳別來明月三十六  
迴圓恰是禁煙時候清溪上華萼堂前香霧醒緋桃翠  
柳妝點豔陽天 年年逢此日輕羅初試佳句新編有  
兒孫黃卷家世青氈待紀熙朝盛事耆英會滿座名賢  
且相約百三十歲再數甲辰年

前調

董其昌

宿雨初收曉煙未泮散雲都逐飛龍文君翠黛一霎變  
顰容多少風鬟霧鬢青螺髻飄墮空濛頻騁望征帆滅

處遠靄與俱窮 古今來畫手誰如莊叟筆底描風有  
江南一派北苑南宮我亦煙霞骨相閒點染朦朧難工  
但記取維摩詰語山色有無中

前調 邨莊

陳繼儒

五鹿山邊晉文投塊至今漳水依然使君住此花木已  
多年妝點亭臺橋道長消受夜月秋煙莊前後赤城綠  
野場圃又鈎連 斜陽新雨外蘋青菱熟鷺鷥醉鷗眠忽  
邨墟牧唱野外鐘傳一片風光似畫界不定江北江南

相隨去筆牀茶竈同上釣魚船

前調

吳宗達

蕉長青箋筍抽斑管悶懷欲寫無多天公聽啓可否竟  
如何小構數椽茆屋須傍取千頃澄波扁舟繫酒筒茶  
竈隨意泊煙蘿 心知三兩客朝朝暮暮百徧相過且  
醉醒任量雅謔狂歌風雨不妨閉戶凭欄處嫩蕊柔柯  
沉吟久才情標格千載憶東坡

前調 寒食

周世臣

燕子銜泥子規啼血垂楊隔岼煙晴曉風狂舞吹徧杏  
花零乍暖乍寒時節芳堤上踏草尋青秦樓內珠簾半  
捲鴈柱兩三聲 閉門看驟雨金鞭玉勒未過旗亭正  
籬屏織錦春水盈盈問道今朝寒食桐陰下無數飛英  
行人望天涯路杳何處是歸程

前調

和少游  
送別

陳子龍

紫燕翻風青梅帶雨共尋芳草啼痕明知此會不得久  
殷勤約略別離時候綠楊外多少銷魂纔提起淚盈紅

袖未說兩三分 紛紛從去後瘦消玉鏡寬損羅裙念  
飄零何處煙水相聞欲夢故人憔悴依稀只隔楚山雲  
無過是怨花傷柳一樣怕黃昏

前調

歲暮過西  
村王叔遠

沈 麋

歲暮偷閒殘冬訪道隔溪扶過危橋癡情嬾骨傲俗自  
逍遙邨北邨南景況完鄉社鄰父招邀真閒甚開門汲  
水淺灌美人蕉 客來山犬吠不通名姓直入書巢笑  
吟吟握手木榻相勞綠淨幽光牕几知交者野牧漁樵

無今古清談一席爾我共蕭騷

前調 落花

沈麋

春老園林雨餘庭院偏惹蝶駭鶯猜  
葦紅皺白狼藉滿  
蒼苔正是愁腸欲斷珠箔外點點飄來  
分明似身輕飛  
燕扶下碧雲臺  
當初珍重意金錢競買玉砌新栽更  
翠屏遮護疊鼓催開誰道天機繡錦都  
化作紫陌塵埃  
紗牕裏有人憐惜無語托香腮

前調 秋懷

明媛

韓智珩

勁草傳霜殘荷貌雨白雲隨處安排文心兵氣入夢總  
成灰玉翦翻風燕子還消得幾徧徘徊空惆悵五陵狂  
客殘病帶秋來 風篁如碎鐵山嬌樹綺池絢霞裁更  
北牕深處蕉影容堦叢桂愁關異代誰招隱花落花開  
孤吟罷一雙藕履常遶碧闌迴

前調

明媛  
錢氏

古樹陰濃新篁翠淺乍陰過雨俄晴方塘對岼留得小  
紅英消受茶芽蕨筍髣几淨雲母輕明薰風至釣絲搖



曳無處立蜻蜓  
喜灌園君志  
辟纊吾職  
兩意相并  
把當前小景  
直擬蓬瀛  
怎便芳塵盡  
謝長無事  
心境雙清  
家園好藕花  
如錦波面  
想盈盈

前調 七夕

明媛  
沈宜修

玉樹香浮金波彩  
泛細風輕送雲行  
橋邊烏鵲千古說  
多情何事歡娛易  
散空悵望玉鏡銀屏  
堪憐處年年方  
草青黛鎖秋橫  
盈盈增悵望  
更更漏點處處雞聲  
看疎星漸曉  
珠露飛英  
腸斷鮫綃  
帔上休回首  
枉自魂驚

還須問長河渺渺流向幾時平

前調

明媛陳 契

湛碧池塘空青戶院清霜又已深秋  
遶籬香韻黃菊伴人幽怪是重陽  
佳節凭闌處吹帽風稠思前古淵明  
此際淡漠幾曾愁江山無異感悲深  
語澀志壯身柔惟圖書經卷夙社新  
修憶昔雲鬟藕服菱鏡裏未展眉頭  
時暮矣數聲哀鴈葉落滿沙洲

前調

又一體

無名氏

風急霜濃天低雲澹過來孤鴈聲切鴈兒且住略聽自  
家說你為離羣到此我共箇人才別松江岼黃蘆叢  
裏天更待飛雪 聲聲腸欲斷和我也點點珠成血這  
一江流水流也嗚咽告你高飛遠舉前程事永無磨折  
休煩惱飄零散聚終有見時節

燭影搖紅

又一體雙調九十六  
字一名玉珥度金環

燭影搖紅

周邦彥

香臉輕勻黛，眉巧畫宮妝。淺風流天付與，精神全在嬌。  
波轉早是縈心可慣，更那堪頻頻顧盼。幾回得見見了，  
還休爭如不見。燭影搖紅夜闌飲散，春宵短當時誰  
解唱陽關。離恨天涯遠，無奈雲收雨散，凭欄干東風淚  
眼。海棠開後，燕子來時，黃昏庭院。

前調

安陸浮雲樓

廖世美

靄靄春空畫樓森聳，陵雲渚紫薇登覽最關情。絕妙誇  
能賦，惆悵相思，遲暮記當日。朱闌共語，塞鴻難問，岼柳

何窮別愁紛絮 催促年光舊來流水知何處斷腸何  
必更殘陽極目傷平楚晚霽波聲帶雨悄無人舟橫野  
渡數峰江上芳草天涯參差煙樹

前調

深春

趙長卿

梅雪飄香杏花開豔燃春晝銅駝煙澹曉風輕搖曳青  
青柳海燕歸來未久向雕梁初成對偶日長人困綠水  
池塘清明時候 簾幙低垂麝煤煙噴黃金獸天涯人  
去杳無憑不念東陽瘦眉上新愁壓舊要消遣除非殢

酒酒醒人靜月滿南樓相思還又

前調

上元  
有懷

張掄

雙闕中天鳳樓十二春寒淺去年元夜奉宸遊曾侍瑤  
池宴玉殿珠簾晝捲擁羣仙蓬壺閬苑五雲深處萬燭  
光中揭天絲管馳隙流年恍如一瞬星霜換今宵誰  
伴泣青衫回首長安遠可是塵緣未斷漫惆悵華胥夢  
短滿懷幽恨數點寒燈幾聲歸鴈

前調

元夕

吳億

樓雪初消麗譙吹罷蘆笳晚使君千炬起班春歌吹香  
風暖十里珠簾盡捲人正在蓬壺闌苑賣新買酒立馬  
傳觴昇平重見 誰識鰲頭去年曾侍傳柑宴至今衣  
袖帶天香行處氤氳滿已是春宵苦短更莫遣歡遊意  
嬾細聽歸路壁月光中玉簫聲遠

前調

燈夕玉照堂  
梅花正開

張 鉉

宿雨初乾舞梢煙瘦金絲裊嫩雲扶日做新晴舊碧尋  
芳草幽徑蘭芽尚小怪今年春歸太早柳塘花院萬朵

紅蓮一宵開了  
梅雪翻空忍教空對東風老粉團香  
障擁詩仙戰退春寒峭現樂歌彈鬧曉宴親賓團樂同  
笑醉歸時候月過珠樓參橫蓬島

前調

盱江  
有懷

趙善扛

桃李牆頭向人却似他年意舞絲千丈颺晴光駘蕩春  
無際花氣薰然自醉傍垂楊行行緩轡倦遊無奈回首  
雲山歸期猶未 玉鎖樓空鳥啼花外東風起少年恩  
怨付波流臨望朱闌倚冉冉塵生客袂對尊前高情暫



寄洞天一笑仙馭乘空姑峰凝翠

前調

高觀國

別浦潮平遠邛帆落煙江冷征鴻相喚著行飛不耐霜  
風緊雪意垂垂未定正慘慘雲橫疎影酒醒情緒日晚  
登臨淒涼誰問行樂京華軟紅不斷香塵噴試將心  
事卜歸期終是無憑準寥落年華將盡誤玉人高樓凝  
恨第一休負西子湖邊江梅春信

前調

立春日東  
高內翰

方岳

輦路融晴宮雲逗曉青旂報梅邊香沁綵仗寒初信花  
風到笑語誰家簾幙鏤冰絲紅紛綠鬧髻橫玉燕鬢顫  
瓊幡不知能掉 看見春來麴塵微漲催闌擢嬌黃拂  
掠上柔條等得鶯眠覺引出千花萬草喜攬先椒盤竹  
爆問誰天上瑤帖初供玉堂歸儂

前調

壽嗣  
榮王

吳文英

天桂飛香御花簇座千秋宴笑從王母摘仙桃瓊醴雙  
金盞掌上龍珠照眼映羅圖星暉海爛浮槎遠到水淺

蓬萊秋明河漢 寶月將弦晚鈎斜挂西簾捲未湏十  
日便中秋爭看清光滿淨洗紅塵障面賀朝霖催班正  
殿喜回天上紫府開筵瑤池宣勸

前調

賦得清縣  
園古紅梅

吳文英

莓鎖虹梁稽山祠下當時見橫斜無分照溪光蛛網空  
凝徧姑射青春對面駕飛虯羅浮路遠千年春在新月  
苔池黃昏山館 花滿河陽為君羞褪晨妝蒨雲根直  
下是銀河客老秋槎變雨外紅鉛洗斷又晴霞驚飛暮

管倚闌只怕弄水鱗生乘東風便

前調

元夕  
微雨

吳文英

碧澹山姿暮寒愁沁歌看淺障泥南陌潤輕酥燈火深  
深院入夜笙歌漸暖綵旗翻宜男舞徧恣遊不怕素韞  
塵生行裙紅濺銀燭籠紗翠屏不照殘梅怨洗妝清  
靨濕春風宜帶啼痕看楚夢留情未散素蛾愁天長信  
遠曉牕移枕酒困香殘春陰簾捲

前調

越上霖  
雨應禱

吳文英

秋入燈花夜深簷影琵琶語越娥青鏡洗紅埃山鬪秦  
眉嫵相間金茸翠畝認城陰春耕舊處晚春相應新稻  
炊香疎煙林莽清磬風前海沉宿裊芙蓉炷阿香秋  
夢起嬌啼玉女傳幽素人駕海槎未渡試梧桐聊分宴  
俎採菱別調留取蓬萊霎時雲住

前調

吳文英

飛蓋西園晚秋恰勝春天氣霜花開盡錦屏空紅葉新  
裝綴時放清杯泛水暗淒涼東風舊事夜吟不就松影

闌干月籠寒翠 莫唱陽關但憑綵袖歌千歲秋星入  
夢隔明朝十載吳宮會一棹回潮渡葦正西牕燈花報  
喜柳蠻櫻素試酒爭憐不教不醉

前調

荷塘生日留  
京賦以寄意

吳文英

西子西湖賦情會載鷓夷棹斷橋直去是孤山應為梅  
花到幾度吟昏醉曉背東風偷閒鬪草亂鴉啼後解珮  
歸來春懷多少 千里嬋娟茂陵今夜同清照櫻脂首  
唾聽吟詩爭似還家好昵昵西牕語笑鳳雲深瓊簫縹

縵願春如舊柳帶同心花枝壓帽

前調

張炎

舟樣鷗波訪鄰尋里愁都散老來猶是柳風流先露看  
花眼閒把花枝細揀笑盈盈和香待翦也應回首紫曲  
門荒當年遊慣 簫鼓黃昏動人心處情無限錦街不  
甚月明多早已驕塵滿繞過風柔夜暖漸迤邐芳程遞  
趨向西湖去那里人家依然鶯燕

前調

隔牕  
聞歌

張炎

園苑深沉趁香隨粉都行徧隔牕花氣暖扶春只許鶯  
鶯占燭燄晴烘醉臉想東鄰偷窺笑眼欲尋無處暗拍  
新聲銀屏斜掩 一片雲間那知顧曲周郎怨看花猶  
自未分明畢竟何時見已信仙緣較淺漫凝思風簾倒  
捲出門一笑月落江橫數峰天遠

前調

牡丹

孫惟信

一朵鞋紅寶釵壓髻東風溜年時也是牡丹時相見花  
邊酒初試夾紗半袖與花枝盈盈鬪秀對花臨景為景



牽情因花感舊 題葉無憑曲溝流水空回首夢雲不  
到小山屏真箇歡難偶別後知他安否軟紅街清明還  
又絮飛春盡天遠書沉日長人瘦

前調

無名氏

點點飛香見梅知道春心透怕寒不捲玉樓簾羞與花  
同瘦手撚青枝頻鞦諳冷落薔薇金斗翻驚綠鬢不似  
芳姿年年依舊 纔破凝酥滿園桃李看看又江南幽  
夢了無痕啼暈殘襟袖鴛被有誰溫繡怎敢更十分殢

酒伴君獨自幾箇黃昏月明時候

前調

宋媛孫氏

乳燕穿簾亂鶯啼樹清明近隔簾時度柳花飛猶覺寒  
成陣長記看峰偷隱臉桃紅猶藏酒暈背人微笑半鞦韆  
鸞釵輕籠蟬鬢別久啼多眼應不似當時俊滿園珠  
翠逗春嬌沒箇他風韻若見賓鴻試問待相將綵箋寄  
恨幾時得見鬪草歸來雙鴛微潤

前調

傅舒  
信道

湘江妓

綠淨湖光淺寒先到芙蓉島謝池幽夢屬才郎幾度生  
春草塵世多情易老更那堪秋風嫋嫋晚來羞對香芷  
汀洲枯荷池沼恨鎖橫波遠山淺黛無心埽湘江人  
去歎無依此意從誰表喜趁良宵月皎況難逢人間兩  
好莫辭沉醉醉入屏山吳歌天曉

前調

袁易

日日春陰瑞香亭畔寒成陣鳳鞦頻誤踏青期寂寞牆  
陰冷翠被堆牀未整睡初酣風篁喚醒幾多心緒鵲語

難憑燈花無準 得酒澆愁舊愁不去添新病吳綾題  
滿斷腸詞歌罷何人聽寶篆香消晝永裊餘煙蕭蕭鬢  
影出門長嘯白鷺雙飛清江千頃

# 天香

又一體雙調  
九十六字

# 天香

賀鑄

煙絡橫林山沉遠照邈迤黃昏鐘鼓燭映簾櫳蛩催機  
杼共惹清秋風露不眠思婦齊應和幾聲砧杵驚動天

涯倦客駸駸歲華行暮 當年酒狂自負謂東君以春  
相付流浪征驂北道客檣南浦幽恨無人晤語賴明月  
曾知舊遊處好伴雲來還將夢去

前調

吳文英

蟬葉黏霜蠅苞綴凍生香遠帶風峭嶺上寒多溪頭月  
冷北枝瘦南枝小玉奴有姊先占立牆陰春早初試宮  
黃澹薄偷分壽陽纖巧 銀燭淚深未曉酒鍾慳貯愁  
多少記得短亭歸馬暮衙蜂鬧豆蔻釵梁恨裊但恨望

天涯歲華老遠信難封吳雲鴈杳

前調

龍涎香

吳文英

珠絡玲瓏羅囊閒鬪酥懷暖麝相倚百和花鬢十分風  
韻半襲鳳箱重綺茜帷四角慵未結流蘇春睡熏度紅  
薇院落煙銷畫屏沉水 溫泉絳綃乍試露華侵透肌  
蘭泚漫省淺溪月夜暗浮花氣荀令如今老矣但未識  
韓郎舊風味遠寄相思餘醺夢裏

前調

龍涎香

周密

碧腦浮冰紅薇染露驪宮玉唾誰搗麝月雙心鳳雲百  
和寶釧珮環爭巧濃熏淺炷疑醉度千花春曉金餅著  
衣餘潤銀葉透簾微裊素被瓊篝夜悄酒初醒翠屏  
深窈一縷舊情空趁斷煙飛繞羅袖餘馨漸少悵朱閣  
淒涼夢難到誰念韓郎清愁漸老

前調

龍涎香

王沂孫

孤嶠蟠煙層濤蛻月驪宮夜採鉛水訊遠槎風夢深薇  
露化作斷魂心字紅甃候火還乍識冰環玉指一縷縈

簾翠影依稀海天雲氣  
幾回殢嬌半醉翦春燈夜寒  
花碎更好故溪飛雪小牕深閉荀令如今顛顚總忘却  
尊前舊風味漫惜餘熏空篝素被

前調

龍涎香

李彭老

搗麝成塵熏薇注露風酣百和花氣品重雲頭葉翻蕉  
樣共說內家新製波浮海沫誰喚覺鮫人春睡清潤俱  
饒片腦芬馥半是沉水  
相逢酒邊雨外火初溫翠爐  
煙細不似寶珠金縷領巾紅墜荀令如今顛顚消未盡



當時愛香意燼煖燈寒秋聲素被

前調

龍涎香

王易簡

煙嶠收痕雲沙擁沫孤槎萬里春聚螭杵冰塵水研花  
片帶得海山風露纖痕透曉銀鏤小初浮一縷重翦紗  
牕暗燭深垂繡簾微雨 餘馨惱人最苦染羅衣少年  
情緒謾省珮珠曾解蕙羞蘭妒好是芳鈿翠嫵恨素被  
濃熏夢無據待翦秋雲殷勤寄與

前調

龍涎香

馮應瑞

枯石流痕殘沙擁沫驪宮夜蟄驚起海市收時鮫人分  
處誤入衆芳叢裏春霖未就都化作淒涼雲氣惟有清  
寒一點消磨小牕殘醉 當年翠箒素被拂餘熏倦懷  
如水漫惜舞紅猶在為誰重試幾片金昏字古向故篋  
聊將伴憔悴斷續風流柔情縷縷

前調

龍涎香

唐藝孫

螺甲磨星犀枝杵月蕤英嫩壓拖水海蜃樓高仙娥鈿  
小縹緲結成心字麝煤候暖載一朵輕雲不起銀葉初

生薄暈金猊旋翻纖指 芳林惱人漸醉碾微馨鳳團  
閒試滿架舞紅都換嬾收珠珮幾片菱花鏡裏更摘索  
雙環伴秋睡早是新涼重熏翠被

前調

龍涎香

呂同老

冰片鎔肌水沉換骨蜿蜒夢斷瀛島翦碎腥雲杵勻枯  
沫妙手製成翻巧金篝候火無似有微熏初好簾影垂  
風不動屏深護春宜小 殘梅舞紅褪了珮珠寒滿懷  
清峭幾度酒餘重省舊愁多少荀令風流未減怎奈向

飄零賦情老待寄相思仙山路杳

前調

龍涎香

無名氏

瀛嶠浮煙滄波挂月潛虬睡起清曉萬里槎程一番花  
信付與露薇冰腦纖雲漸暖凝翠席氤氳不了銀葉重  
調火活珠簾自垂風悄螺屏酒醒夢好繡羅幃依舊  
痕少幾度試拈心字暗驚芳抱隱約仙洲路杳謾珮影  
玲瓏護嬌小素手金篝春情未老

前調

又一體

景覃

市遠人稀林深犬吠山連水邨幽寂田里安閒東鄰西  
舍準擬醉時歡適社祈雩禱有簫鼓喧天吹擊宿雨新  
晴隴頭閒看露桑風麥無端晴亭暮驛恨連年此時  
行役何似臨流蕭散緩衣輕幘炊黍烹雞自勞有脍綠  
甘紅薦芳液夢裏春泉槽牀夜滴

前調

景覃

百歲中分流年過半塵勞繫人無盡桑柘周圍管茅低  
架且喜水親山近倦飛高鳥算也有閒枝棲穩紙帳紬

衾日高睡起懶梳蓬鬢  
閒堦土花碧潤緩芒屨恐傷  
蝸蚓倒掩衡門空解草玄誰信俗  
駕輕雲易散賴獨有  
蓬峰破孤悶世事悠悠從教莫問



御選歷代詩餘卷六十一

總校官庶吉士臣張能照

校對官庶吉士臣陳墉

膳錄貢生臣張健

欽定四庫全書叢要

集部

御選歷代詩餘卷六十二

三

詳校官編修臣汪鏞





欽定四庫全書會要

御選歷代詩餘卷六十二目錄

起九十六字  
至九十七字

漢宮春 又一體

張先

前調 又一體

晁冲之

周紫芝 二首

李邴



辛棄疾 六首

京鐘

陸游 二首

劉鎮

史達祖

方岳

吳文英 二首

前調 又一體

康與之

雨中花 又一體

京鐘

前調 又一體

無名氏

聲聲慢 又一體

元好問

早梅香

無名氏

望雲間

趙可

醉蓬萊

又一體

盧炳

前調

又一體

王沂孫

雙雙燕

吳文英

鳳凰臺上憶吹簫

又一體

晁補之

前調

又一體

吳元可

前調

又一體

沈懋德

劔氣近

素去華

步月 又一體

史達祖

帝臺春 又一體

李甲

熙州慢

張先

黃鶯兒

柳永

晁補之

王詵

粉蝶兒慢

周邦彥

采明珠

杜安世

倦尋芳

王雱

陽臺路

柳永

水調歌頭

又一體

何夢桂

塞垣春

周邦彥

方千里



陳允平

八聲甘州

又一體

柳永

蘇軾

晁補之

二首

向子諲

葉夢得

二首

朱雍

張鉉

辛棄疾  
二首

程垓

汪莘

趙希邁

吳文英  
二首

周密  
二首

張炎  
六首

趙文

張翥

張埜

陸禕麟

御選歷代詩餘卷六十二目錄

欽定四庫全書薈要卷二萬七百四十

集部

御選歷代詩餘卷六十二

起九十六字  
至九十七字

漢宮春

又一體雙調九十六字一名慶千秋  
首句與換頭叶韻與否無定格也

漢宮春

蠟梅

張先

紅粉苔牆透新春消息梅蕊先芳竒葩異卉漢家宮額  
塗黃何人鬪巧運紫檀翦出蜂房應為是中央正色東  
君別與清香 仙姿自稱霓裳更孤標俊格霏雪凌霜

黃昏院落為誰密解羅囊銀瓶注水浸數枝小閣幽牕  
春睡起纖條在手厭厭宿酒殘妝

前調

又一體

晁冲之

黯黯離懷向東門繫馬南浦移舟薰風亂飛燕子時下  
輕鷗無情渭水問誰教日日東流常是送行人去後煙  
波一晌離愁 回首舊遊如夢記踏青殢飲拾翠狂遊  
無端綵雲易散覆水難收風流未老撩千金重入揚州  
應又似當年載酒依前名占青樓

前調

周紫芝

秋意還深漸銀牀露冷梧葉風高嬋娟也應為我羞照  
霜毛流年老盡漫銀蟾冷浸香醪須盡把平生怨感一  
時分付離騷 傷心故人千里問陰晴何處還記今宵  
樓高共誰同看玉桂煙梢南枝鵲繞歎此生飄轉江皋  
須更約他年清照為人常到寒霄

前調

題山谷反  
魂梅香

周紫芝

香滿箱奩看沈犀弄水濃麝含薰荀郎一時舊事盡屬

王孫殘膏賸馥須傾囊乞與蘭蓀金獸暖雲牕霧閣為  
人洗盡餘醺 依稀雪梅風味似孤山盡處馬上煙邨  
從來甲煎淺俗那忍重聞蘇臺燕寢下重幃深閉孤雲  
都占得橫斜亂影伴他月下黃昏

前調

李邴

瀟灑江梅向竹梢疎處橫兩三枝東風也不愛惜雪壓  
霜欺無情燕子怕春寒輕失花期惟是有南來塞鴈年  
年長見開時 清淺小谿如練問玉堂何似茅舍疎籬



傷心故人去後冷落新詩微雲澹月對孤芳分付伊誰  
空自倚清香未減風流不在人知

前調

立春

辛棄疾

春已歸來看美人頭上裊裊春幡無端風雨未肯收盡  
餘寒年時燕子料今宵夢到西園渾未辨黃柑薦酒更  
傳青韭堆盤 却笑東風從此便熏梅染柳更沒些閒  
閒時又來鏡裏轉變朱顏清愁不斷問何人會解連環  
生怕見花開花落朝來塞鴈先還

前調

即事

辛棄疾

行李谿頭有釣車茶具曲几團蒲兒童認得前度過者  
籃輿時時照影甚此身徧滿江湖悵野老行歌不住定  
堪與語難呼 一自東籬搖落問淵明歲晚心賞何如  
梅花政自不惡曾有詩無知翁止酒待重教蓮社人沽  
空悵望風流已矣江山特地愁余

前調

會稽蓮茶  
閣懷古

辛棄疾

秦望山頭看亂雲急雨倒立江湖不知雲者為雨雨者

雲乎長空萬里被西風變滅須臾回首聽月明天籟人  
間萬竅號呼誰向若邪溪上倩美人西去麋鹿姑蘇  
至今故國人望一舸歸歟歲云暮矣問何不鼓瑟吹竽  
君不見王亭謝館冷煙寒樹啼鳥

前調

會稽秋  
風亭

辛棄疾

亭上秋風記去年嫋嫋曾到吾廬山河舉目雖異風景  
非殊功成者去覺團扇便與人疎吹不斷斜陽依舊茫  
茫禹跡都無千古茂林猶在甚風流章句解擬相如

只今木落江冷渺渺愁余故人書報莫因循忘却蓴鱸  
誰念我新涼燈火一編太史公書

前調

答李蕪善  
提舉和章

辛棄疾

心似孤僧更茂林修竹山上精廬維摩定自非病誰遣  
文殊白頭自惜歎相逢語密情踈傾蓋處論心一語只  
今還有公無 最喜陽春妙句被西風吹墮金玉鏗如  
夜來歸夢江上父老歡余荻花深處喚兒童吹火烹鱸  
歸去也絕交何必更脩山巨源書

前調

答吳子似  
總幹和章

辛棄疾

達則青雲便玉堂  
金馬窮則茅廬逍遙小  
大白適鵬鷃  
何殊君如星斗燦  
中天密密疎疎荒草外  
自憐螢火清光暫有還無  
千古季鷹猶在向松江  
道我問訊何如  
白頭愛山不去翁  
定嗔余人生謾爾  
豈食魚必膾之鱸  
還自笑君詩頻覺胸中萬卷藏書

前調

上元前一  
日立春

京 鐘

暖律初回又燒燈  
市井賣酒樓臺誰將星移萬點月滿

千街輕車細馬隘通衢  
蹴起塵埃今歲好土牛作伴挽  
留春色同來 不是天公省事要一時壯觀特地安排  
何妨綵樓鼓吹綺席尊壘良宵勝景語邦人莫惜徘徊  
休教我癡頑不去年年爛醉金釵

前調

張園賞  
海棠

陸游

浪迹人間喜聞猿楚峽學劍秦川虛舟汎然不繫萬里  
江天朱顏綠鬢作紅塵無事神仙何妨在鶯花酒裏行  
歌聞送流年 休笑放慵狂眼看間坊深院多少嬋娟

燕宮海棠夜宴花覆金船如椽畫燭酒闌時百炬吹煙  
憑寄語京華舊侶幅巾莫換貂蟬

前調

自南鄭來  
成都作

陸游

羽箭雕弓憶呼鷹古壘截虎平川吹笳暮歸野帳雪壓  
青氊淋漓醉墨看龍蛇飛落蠻牋人誤許詩情將略一  
時才氣超然 何事又作南來看重陽藥市元夕燈山  
花時萬人樂處敝帽垂鞭聞歌感舊尚時時流涕尊前  
君記取封侯事在功名不信由天

前調

鄭賀守席  
上懷舊

劉鎮

日軟風柔望暖江連島晴綠平川尋芳拾蕊勝伴陌上  
鮮妍玉驄歸路記青門曾墮吟鞭人去後庭花弄影一  
簾香月娟娟追念舊游何在歎佳期虛度錦瑟華年  
博山夜來燼冷誰換沈煙屏幃半掩奈夢雲不到愁邊  
春易老相思無據閒情分付魚牋

前調

代友  
寄情

史達祖

花隔東垣詠燕臺秀句結帶謀歡匆匆舊盟有限飛夢



重關南塘夜月照湘琴別鶴孤鸞天便遣清愁易長春  
衣常恁香寒 唐昌故宮何許頓翦霞裁霧擺落塵緣  
一聲步虛婉婉雲駐天壇淒涼故里想香車不到人間  
羞再見東陽帶眼教人依舊思凡

前調

探梅

方岳

問訊何郎怎春風未到却月橫枝當年東閣詩興天豈  
吾欺雲寒歲晚便相逢已負深期須說與秋崖歸也留  
香更待何時 家住江南煙雨想疎花開徧野竹芭籬

遙憐水邊石上煞欠渠詩月臺雪甕肯相從捨我其誰  
應自歎生來孤峭此心却有天知

前調

牡丹

吳文英

花姥來時帶天香國豔羞掩名姝日長半嬌半困宿酒  
微蘇沈香檻北比人間風異煙殊春恨重盤雲墜髻碧  
花翻唾瓊盃 洛苑舊移仙譜向吳娃深館曾奉歡娛  
猩脣露紅未洗客鬢霜鋪蘭池沁壁過西園重載雙壺  
休謾道花扶人醉醉花却要人扶

前調

壽梅  
津

吳文英

名壓年芳倚竹根新影獨照清漪千年禹梁蘚碧重發  
南枝冰凝素質遣凡桃羞濯塵姿寒正峭東風似海香  
浮夜雪春霏 練鵲錦袍仙使有青娥傳夢月轉參移  
逋山傍鷺繫馬玉翦新辭宮妝鏡裏笑人間花訊都遲  
春未了紅鹽薦鼎江南煙雨黃時

前調

又一體  
寧殿元夕 慈

康與之

雲海沉沉峭寒收建章雪殘鵲華燈照夜萬井禁城

行樂春隨鬢影映參差柳絲梅萼丹禁香鼇峰對聳三  
山上通寥廓 春衫繡羅香薄步金蓮影下三千綽約  
冰輪桂滿皓色冷侵樓閣霓裳帝樂奏昇平天風吹落  
留鳳輦通宵宴賞莫放漏聲閒却

雨中花

入一體雙調九十

六字或加慢字

雨中花

京鏗

玉局祠前銅壺閣畔錦城藥市爭奇正紫萸綴席黃菊

浮危巷陌連鑣並轡樓臺吹竹彈絲登高望遠一年好  
景九日佳期自憐行客猶對佳賓留連豈是貪癡誰  
會得心馳北闕興寄東籬惜別未催鷓首追歡且醉蛾  
眉明年此會他鄉今日總是相思

前調

又一體

無名氏

事往人翻還似暮峽歸雲壠上流泉奈向分圓鏡已斷  
么絃長記酒闌歌罷難忘月夕花前相攜手處瓊樓朱  
戶觸目依然從來慣共繡幃羅帳鎮效比翼文鴛誰

念我而今清夜常是孤眠入戶不知飛絮傍懷爭及爐  
煙這回去也一生心事為你縈牽

聲聲慢

又一體雙調  
九十六字

聲聲慢

元好問

林間雞犬江上邨墟扁舟處處經過袖裏新詩買斷古  
木滄波山中一花一草也留教老子婆婆任人笑風雲  
氣少兒女情多不待求田問舍被朝吟暮醉慣得蹉

跼百尺高樓更問平地如何朝來斜風細雨喜紅塵不  
到漁蓑一尊酒喚元龍來聽浩歌

### 早梅香

雙調九

十六字

早梅香 本意

無名氏

北帝收威又探得早梅漏春消息粉蕊瓊苞擬將臙脂  
輕染顏色素質盈盈終不許雪霜欺得奈化工偏宜賦  
與壽陽妝飾 獨自逞冰姿比夭桃繁杏殊別為報山

翁逢此有花尊前且須攀折醉賞吟戀莫孤負好天風  
月恐笛聲悲紛紛便似亂飛香雪

望雲間

一名望海潮雙

調九十六字

望雲間

代州南樓

趙可

雲朔南陞全趙寶符河山襟帶名藩有朱樓縹緲千雉  
回旋雲度飛狐絕險天圍紫塞高寒弔興亡遺跡咫尺  
西陵煙樹蒼然時移事改極目春心不堪獨倚危闌



惟是年年飛鴈霜雪知還樓上四時長好人生一世誰  
間故人有酒一尊高興不減東山

醉蓬萊

又一體雙調

九十六字

醉蓬萊

上南安太守

盧炳

正春回紫陌瑞靄飛浮暖風輕扇皓月初圓覺嚴城寒  
淺綵結鰲山紗籠銀燭與花爭豔午夜融和紅蓮萬頃  
一齊開徧 訟簡民熙使君行樂簇擁朱輪旌旗輝煥

鼎沸笙歌過行雲不散咫尺泥封促朝天陛侍玉皇香  
案來歲元宵龍燈影裏金杯宜勸

前調

又一體  
歸故山

王沂孫

埽西風門逕黃葉凋零白雲蕭散柳換枯陰賦歸來何  
晚爽氣霏霏翠蛾眉嫵聊慰登臨眼故國如塵故人如  
夢登高還嬾數點寒英為誰零落楚魄難招暮寒堪  
攬步履荒籬誰念幽芳遠一室秋燈一庭秋雨一聲秋  
鴈試引芳尊不知消得幾多依黯

雙雙燕

雙調九十六字宋史達祖作詠燕詞即名其  
調曰雙雙燕此詞少二字又後人所損也

雙雙燕

本意

吳文英

小桃謝後雙雙燕飛來幾家庭戶輕煙曉暝湘水暮雲  
遙度簾外餘寒未捲共斜入紅樓深處相將占得雕梁  
似約韶光留住堪舉翩翩翠羽楊柳坼泥香半和梅  
雨落花風軟戲從亂紅飛舞多少呢喃意緒盡日向流  
鶯分訴還過短牆誰會千言萬語

鳳凰臺上憶吹簫

又一體雙調

九十六字

鳳凰臺上憶吹簫

羊山迎  
次膺

晁補之

千里相思況無百里何妨暮往朝還又正是梅初澹泞  
禽未綿蠻陌上相逢緩轡風細細雲日斑斑新晴好得  
意未妨行盡青山應攜後房小妓來為我盈盈對舞  
花間便擽了松醪翠滿蜜炬紅殘誰信輕鞍射虎清世  
裏曾共人間都休說簾外久春寒

前調

又一體

吳元可

更不成愁何曾是醉豆花雨後輕陰似此心情自可多了間吟秋在西樓西畔秋較淺不似情深夜來月為誰瘦小塵鏡羞臨彈箏舊家伴侶記鴈啼秋水下指成音聽未穩當時自誤又況如今那是柔腸易斷人間事獨此難禁雕籠近數聲別似春禽

前調

又一體  
雨重陽

風

沈懋德

每遇重陽嘗攜佳客東郊逐隊登高看碧空雲靜鴈陣

蕭蕭著帽丹楓數點催好句試共推敲又何必雙攜紅  
袖醉盡醇醪飄飄今年風雨偏當落帽日阻却征軺  
聊自弄柔翰擬答人嘲幸有東籬黃菊獨永我今夕今  
朝任從他茱萸紅滿雨裏笑吾曹

劍氣近

雙調九

十六字

劍氣近

袁去華

夜來雨願倩得東風吹住海棠正妖嬈處且留取悄庭

戶試細聽鶯啼燕語分明共人愁緒怕春去 佳樹翠  
陰初轉午重簾未捲乍睡起寂寞看風絮偷彈清淚寄  
煙波見江頭故人為言憔悴如許彩牋無數去却寒暄  
到了渾無定據斷腸落日千山暮

步月

又一體雙調  
九十六字

步月 本意

史達祖

翦柳章臺問梅東閣醉中攜手初歸逗香簾下璀璨縷

金衣正依約水絲射眼更荏苒蟾玉西飛輕塵外雙鴛  
細感誰賦洛濱妃 霏霏紅霧繞步搖共鬢影吹入花  
圍管絃將散人靜燭龍稀泥私語香櫻乍破怕夜寒羅  
韞先知歸來也相偎未肯入重幃

帝臺春

又一體雙調  
九十六字

帝臺春

李甲

芳草碧色萋萋徧南陌暖絮亂紅也知人春愁無力憶



得盈盈拾翠侶共攜賞鳳城寒食到今來海角逢春天  
涯為客愁旋釋還似織淚暗拭又偷滴漫倚遍危闌  
儘黃昏也只是暮雲凝碧揀則而今已揀了忘則怎生  
便忘得又還問鱗鴻試重尋消息

熙州慢

雙調九

十六字

熙州慢

贈述  
古

張先

武林鄉占第一湖山詠畫爭巧鷺石飛來倚翠樓煙靄

清猿啼曉況值禁垣師帥惠政流入歡謠朝暮萬景寒  
潮弄月亂峰回照天使尋春不早併行樂免有花愁  
花笑持酒更聽紅兒肉聲長調瀟湘故人未歸但目送  
遊雲孤鳥際天杪離情盡寄芳草

### 黃鶯兒

雙調九

十六字

黃鶯兒

本意

柳永

園林晴晝誰為主暖律潛催幽谷暄和黃鸝翩翩乍遷

芳樹觀露濕縷金衣葉映如簧語曉來枝上繇蠻似把  
芳心深意低訴 無據乍出暖煙來又趁遊蜂去恣狂  
蹤跡兩兩相呼終朝霧吟風舞當上苑柳濃時別館花  
深處此際海燕偏饒都把韶光與

前調

晁補之

南園佳致偏宜暑兩兩三三修竹新笋初齊猗猗過簷  
侵戶聽亂颭芰荷風細灑梧桐雨午餘簾影參差遠林  
蟬聲幽夢殘處 凝竚既往盡成空暫遇何曾住算人

間事豈足追思依依夢中情緒觀數點茗浮花一縷香  
盈炷怪來人道陶潛做得羲皇侶

前調

王 詵

多情春意花時節北園人來傳說江梅依稀芳姿數枝  
新發誇嫩臉著胭脂骨凝香雪問伊還記年時正好  
相看因甚輕別 情切往事散浮雲舊恨成華髮算伊  
空對綺檻雕闌孜孜望人攀折愁未見苦思量待見重  
端疊願與永效高唐雲雨芳菲月

粉蝶兒慢

雙調九  
十六字

粉蝶兒慢

周邦彥

宿霧藏春餘寒帶雨占得羣芳開晚豔初弄秀倚東風  
嬌嬾隔葉黃鸝傳好音喚入深叢中探數枝新比昨朝  
又早紅稀香淺 眷戀重來倚檻當韶華未可輕辜雙  
眼賞心隨分樂有清尊檀板每歲嬉遊能幾日莫使一  
聲歌欠忍因循片花飛又成春減

# 采明珠

雙調九

十六字

## 采明珠

杜安世

雨乍收小院塵消雲澹天高露冷坐看月華生射玉樓  
清瑩蟋蟀鳴金井下簾幃悄悄空階敗葉墜風惹動閒  
愁千端萬緒難整秋夜永涼天迴可不念光景嗟薄  
命倏忽少年忍教孤另燈閃紅牕影步迴廊嬾入香閨  
暗落珠滿面誰人知我為伊成病

倦尋芳

雙調九

十六字

倦尋芳

王雱

露晞向曉，簾幙風輕，小院閒晝。翠徑鶯來，驚下亂紅鋪  
繡。倚危樓、登高榭，海棠著雨，臙脂透。算韶華、又因循過  
了清明時候。倦遊讌、風光滿目，好景良辰，誰共攜手  
恨被榆錢買斷，兩眉長鬪。憶得高陽人散後，落花流水  
仍依舊。這情懷、對東風、盡成消瘦。

陽臺路

雙調九

十六字

陽臺路

柳永

楚天晚墜冷風敗葉疎紅零亂冒征塵匹馬區區愁見  
水遙山遠追念年時正恁鳳幃倚香偎煖嬉遊慣又豈  
知前歡雲雨分散此際空勞回首望京洛難收淚眼  
暮煙衰草算暗鎖路歧無限今宵又依前寄宿甚處葦  
邨山館寒燈半夜厭厭憑何消遣



水調歌頭

又一體雙調  
九十六字

水調歌頭

何夢桂

對千峰未曉聽西風吹角下  
譙樓擁貔貅千騎旌旛十里  
送客芳洲曾是燈棊月析贊畫  
坐青油折盡長亭柳  
莫繫行舟  
憶昔相逢何處看飛鴻雪跡  
休更回頭百年心事長逐水  
東流願君如遊龍萬里我如雲  
終泊此  
林丘相思夢明年鴈到尚訊南州

塞垣春

雙調九  
十六字

塞垣春

周邦彥

暮色平分野，傍葦岬、征帆卸。煙深極浦，樹藏孤館，秋景如畫。漸別離氣味難禁也。更物象供瀟灑。念多才、渾衰減，一懷幽恨難寫。追念綺牕人，天然自風韻間雅。竟夕起相思，謾嗟怨。遙夜又還將，兩袖珠淚，沉吟向寂寥。寒燈下，玉骨為多感，瘦來無一把。

前調

次周美  
成韻

方千里

四遠天垂野向晚景雕鞍卸吳藍滴草塞絲飛柳風物  
堪畫對雨收霧霽初晴也正陌上煙光灑聽黃鸝啼紅  
樹短長音調如寫 懷抱幾多愁年時趁歡會幽雅盡  
日足相思奈春晝難夜念征塵堆滿襟袖那堪更獨遊  
花陰下一別鬢毛減鏡中霜滿把

前調

次周美  
成韻

陳允平

草碧鋪橫野帶晚色吟鞍卸煙葭露葦滿汀鷗鷺人在

圖畫漸一聲鴈過南樓也更細雨時飄灑念徽容都消  
瘦謾將紈素描寫臨鏡理殘妝依然是京兆柔雅落  
葉感秋聲啼螿歎涼夜對黃花共說憔悴相思夢頓醒  
西牕下兩腕玉跳脫素纖慳半把

八聲甘州

又一體雙調  
九十七字

八聲甘州

柳永

對蕭蕭暮雨灑江天一番洗清秋漸霜風淒緊闕河冷

落殘照當樓是處紅衰綠減苒苒物華休惟有長江水  
無語東流 不忍登高臨遠望故鄉渺渺歸思難收歎  
年來蹤跡何事苦淹留想佳人妝樓長望誤幾回天際  
識歸舟爭知我倚闌干處正恁凝眸

前調

蘇軾

有情風萬里卷潮來無情送潮歸問錢塘江上西興浦  
口幾度斜暉不用思量今古俯仰昔人非誰似東坡老  
白首忘機 記取西湖西畔正暮山好處空翠煙霏算

詩人相得如我與君稀約他年東還海道願謝公雅志  
莫相違西州路不應回首為我沾衣

前調

揚州次東坡錢塘韻

晁補之

謂東坡未老賦歸來天未遣公歸向西湖兩處秋波一  
種飛靄澄暉又擁竹西歌吹僧老木蘭非一笑千秋事  
浮世危機應倚平山欄檻是醉翁飲處江雨霏霏送  
孤鴻相接今古眼中稀念平生相從江海任飄蓬不遣  
此心違登臨事更何須惜吹帽淋衣

前調

歷下  
立春

晁補之

謂東風定是海東來海上最春先乍微陽破臘梅心已  
省柳意都還雪後南山聳翠平野欲生煙記得相逢日  
如上林邊莫歎春光易老算今年春老還有明年歎  
人生難得常好是朱顏有隨軒金釵十二為醉嬌一曲  
踏珠筵功名事算何如此花下尊前

前調

中秋前數夕  
久雨方晴

向子諲

恨中秋多雨及晴時追賞且探先縱玉鉤初上冰輪未

正無恙嬋娟飲客不來自酌對影亦清妍任笑薌林老  
雪鬢霜顏好在章江西畔有凌雲玉笋空翠相連嬾  
崎嶇林麓則窈窕溪邊自斷此生休問願願甕中長有  
酒如泉人世間是誰得似月下尊前

前調

葉夢得

問浮家泛宅自元真去後有誰來漫煙波千頃雲峰倒  
影空翠成堆可是溪山無主佳處且徘徊暮雨捲晴野  
落照天開老去餘生江海伴遠公香火猶有宗雷便



何妨元亮攜酒間相陪寄清談芒屨筇杖更盡驅風月  
入尊壘江邨路我歌君和莫棹船回

前調

正月二日作

葉夢得

又新正過了問東風消息幾時來笑春工多思留連底  
事猶未輕回應為瑤刀裁翦容易惜花開試向湖邊望  
幾處寒梅 好是綠莎新徑剩安排芳意特地重栽便  
從今追賞莫遣暫停杯有千株深紅淺白倩緩歌急管  
持相催憑看取暖煙細靄先到高臺

前調 梅

朱雍

聽琤琤漏永洗銀林梅蕊半寒收正蟾輝舒粉雲容縷  
色切近妝樓人在東風竚立悄悄獨凝眸多少橫斜影  
縈繞江流 只有清香暗度墮髻簪珥玉曾賦清游認  
瑤車冰轍佳致肯延留拍蓬山丹砂初轉望滄溟羽珮  
一同舟仙娥許酒澠與我消盡春愁

前調 中秋

張鎡

歎流光迅景百年間能醉幾中秋正淒蛩響砌驚鳥翻

樹煙澹蘋洲誰喚金輪出海不帶一雲浮纜上青林頂  
俄轉朱樓 人老歡情已減料素娥信我不為閒愁念  
幾番清夢常是故鄉留倩風前數聲橫管叫玉鸞騎向  
碧空遊誰能顧黍炊榮利蟻戰仇讐

前調

壽建康帥胡  
長文給事

辛棄疾

把江山好處付公來金陵帝王州想今年燕子依然認  
得王謝風流只用平時尊俎彈壓萬貌貅依舊釣天夢  
玉殿東頭 看取黃金橫帶是明年準擬丞相封侯有

紅梅新唱香陣卷溫柔且畫堂通宵一醉待從今更數  
八千秋公知否邦人香火夜半纔收

前調

夜讀李廣  
傳寄友

辛棄疾

故將軍飲罷夜歸來長亭解雕鞍恨灞陵醉尉匆匆未  
識桃李無言射虎山橫一騎裂石響鶻弦落魄封侯事  
歲晚田園誰向桑麻杜曲要短衣匹馬移住南山看  
風流慷慨談笑過殘年漢開邊功名萬里甚當時健者  
也曾間紗幘外科風細雨一陣輕寒

前調

程垓

問東君既解遣花開不合放花飛念春風枝上一分花  
減一半春歸忍見千紅萬紫容易漲桃溪花自隨流水  
無計追隨 不忍憑高南望記舊時行處芳意菲菲歎  
年來春減花與故人非縱使梁園賦猶在奈長卿老去  
亦何為空搔首亂雲堆裏立盡斜暉

前調

汪莘

惜餘春蛺蝶引春來杜鵑趣春歸算何如桃李渾無言

說開落忘機多謝黃鸝舊友相逐落花飛芳草連天遠  
愁殺斜暉 誰向西湖南畔問亭臺在否花木應非看  
孤山山下誰說隱君扉想錢塘春遊依舊到梨花寒食  
隘舟磯尋常事不須惆悵暮雨沾衣

前調

竹西  
懷古

趙希邁

寒雲飛萬里一番秋一番攪離懷向隋堤躍馬前時柳  
色今度蒿萊錦纜殘香在否枉被白鷗猜千古揚州夢  
一覺庭槐 歌吹竹西難問揀菊邊醉著吟寄天涯指

紅樓蹤跡茅屋染蒼苔幾傷心橋東片月趁夜潮流恨  
入秦淮潮回處引西風恨又渡江來

前調

遊靈巖

吳文英

渺空煙四遠是何年青天墜長星幻蒼岷雲樹名娃金  
屋殘霸宮城箭涇酸風射眼膩水染花腥時靉雙鴛響  
廊葉秋聲 宮裏吳王沉醉倩五湖倦客獨釣醒醒問  
蒼天無語華髮奈山青水涵空闌干高處送飛鴉斜日  
落漁汀連呼酒上琴臺去秋與雲平

前調

姑蘇臺  
和韻

吳文英

步晴霞倒影洗閒愁深杯盪風漪望越來清淺吳歛杳  
靄江鴈初飛輦路凌空花陰粉冷濯妝池歌舞煙霄頂  
落景沉暉 別是青紅闌檻對女牆山色碧澹空眉問  
當時遊鹿應笑古臺非有誰招扁舟漁隱但寄情西子  
却題詩閒風月暗消磨盡浪打鷗磯

前調

燈夕寄  
二隱

周密

漸萋萋芳草綠江南輕暉弄春容記少年遊處蕭聲巷



陌燈影簾櫳月暖烘爐戲鼓十里步香紅  
欹枕聽新雨  
往事朦朧  
還是春江夢曉怕等閒愁見鴈影西東喜  
故人好在水驛寄詩筒數芳程漸催花信送歸帆知第  
幾番風空吟想梅花千樹人在其中

前調

題疎  
寮圖

周 密

信山陰道上景多奇仙翁幻吟壺愛一丘一壑一花一  
草窈窕枝疎染就春雲五色更種玉千株咳唾騷香在  
四壁驪珠  
曲折冷紅幽翠涉流花澗淨步月堂虛羨

風流魚鳥來往賀家湖認秦鬟越妝窺鏡倚斜陽人在  
會稽圖圖多賞池香洗硯山秀藏書

前調

張炎

倚危樓一笛翠屏空萬里見天心度野光清峭晴峰湧  
日冷石生雲簾捲小亭虛院無地不花陰徑曲知何處  
春水泠泠嘯傲柴桑影裏且怡顏莫問誰古誰今任  
燕留鷗住聊復慰幽情愛吾廬點塵難到好林泉都付  
與閒人還知否元來卜隱不在山深

前調

寄李筠房

張炎

望娟娟一水隱芙蓉幾被暮雲遮正凭高送目西風斷  
鴈殘月平沙未覺丹楓盡老搖落已堪嗟無避秋聲處  
愁滿天涯一自盟鷗別後甚酒瓢詩錦輕誤年華諒  
荷衣初暖不忍負煙霞記前度翦燈一笑再相逢知在  
那人家空山遠白雲休贈只贈梅花

前調

張炎

記當年紫曲戲分花簾影最深深聽惺惚語笑香尋古

字譜搯新聲散盡黃金歌舞那處著春情夢醒方知夢  
夢豈無憑 幾點別餘清淚盡化作粧樓斷雨殘雲拍  
梢頭舊恨豆蔻結同心都休問北來南去但依依同是  
可憐人還飄泊何時尊酒却說如今

前調

陸起潛  
皆山樓

張炎

俯長空不占洞庭波山拔地形高對扶疎古木浮圖倒  
影勢壓雄濤門掩翠微僧院應有月明敲物換堂安在  
斷碣間拋 不識廬山真面是誰將此屋突兀林坳上

層臺回首萬境入詩豪響天心數聲長嘯任清風吹頂  
髮蕭騷凭闌久青琴何處獨立瓊瑤

前調

張炎

聽江湖夜雨十年燈孤影向中洲對荒涼茂苑吟情渺  
渺心事悠悠見說寒梅猶在無處認西樓招取樓邊月  
回載扁舟 明日琴書何處正風前墜葉草外閒鷗甚  
消磨不盡惟有古今愁總休問西湖南浦漸春來煙水  
接天流清遊好醉招黃鶴一嘯高秋

前調

錢友

張炎

記玉關踏雪事清遊寒氣敝貂裘傍枯林古道長河飲  
馬此事悠悠短夢依然江表老淚灑西州一字無題處  
落葉都愁 載取白雲歸去問誰留楚佩弄影中洲折  
蘆花贈遠零落一身秋向尋常野橋流水待招來不是  
舊沙鷗空懷感有斜陽處最怕登樓

前調

趙文

是去年春草又萋萋塵生縷金衣悵朱顏為土白楊堪

柱燕子誰依謾說漫漫六合無地著相思  
遼鶴歸來後城亦全非更有延平一劍  
向風雷半夜何處尋伊怪天天何物堪  
作玉彈棋到年年無腸堪斷向清明獨自  
掩荆扉何況又禽聲杜宇花事醅醅

前調

張翥

向芙蓉湖上駐蘭舟淒涼勝事稀但西泠橋外北山堤  
畔殘柳依依追憶煙花舊夢回首冷煙霏惟有盟鷗好  
時傍人飛聽取紅筵象板儘歌回彩扇舞換仙衣正

白蘋風急吹雨暗斜暉空惆悵離懷未展更酒邊忍又  
送將歸江南客此生心事只在漁磯

前調

張 埜

憶湖光醉別幾春秋飄泊寓京師恨無窮煙水無情歲  
月無限相思萬里風沙夢覺山色碧參差忙對玻璃鏡  
照我塵姿 欲寫從前離闊便安排畫舸準備新詩見  
六橋遺構煙雨強撐支怨東風紅消翠減比向來渾是  
老西施如何得劉郎雙鬢長似當時



前調 曉發

陸釋麟

曉風清濫濫待潮生潮落始行舟正雞聲茅店孤城斷  
角敲枕悠悠偶爾掀篷一笑起舞也風流問誰人領取  
此景清幽 極目長空杳靄但寒煙衰草江練明樓羨  
雙雙白羽天水共沈浮待乘桴漸窮湖海莫思量錦纜  
與鳴騶菰蒲裏煙波釣叟與子為儔

御選歷代詩餘卷六十二